

萬 有 文 庫

第 二 集 七 百 種

王 雲 五 主 編

萬 曆 重 修 二 百 二 十 八 卷 本

明 會 典

( 一 二 )

申 時 行 等 重 修

商 務 印 書 館 發 行

本卷八十二百二修重曆萬

典 會 明

(一十二)

修重等行時申

書 叢 本 基 學 國

# 明會典卷之一百四

禮部六十二

## 【藝術】

洪武二十六年著令。凡天文、地理、醫藥、卜筮、師巫、音樂等項藝術之人。禮部務要備知。以憑取用。在外行術占卜之人。聽於本鄉。不許越境興造妖妄等事。

凡卜筮者。舊有禁。惟瞽目卜筮及陰陽人。憑此生理。許開卦肆。

凡天文生。醫生存缺。各儘世業代補外。仍行天下訪取。到日。天文生督同欽天監堂上官。醫生督同太醫院堂上官。各考驗收用。○弘治十一年。令訪取世業原籍子孫。并山林隱逸之士。及致仕退閒等項官吏。生儒軍民人等。有能精通天文曆數。陰陽地理。及五星子平遁甲大定六壬龜卜等術者。每府不過一二。人。試中收用。

凡欽天監太醫院各官陞遷。俱從禮部查明考選。定擬職事。咨送吏部銓註。該監天文生陰陽人。該院醫士醫生。俱三年一次大考。

凡欽天監官生。太醫院官醫士生。冊籍。每三年一次。各清查造報。如有冒增隱漏等弊。將承行官吏及造冊人等參治。該院官醫士生有離任回籍者。俱赴部告明。給牒定限。如私逃及違限。徑行除籍。

凡各府州縣舉到陰陽人堪任正術等官。醫士堪任正科等官者。俱從禮部勘明。陰陽人割付欽天監。醫士割付太醫院。仍委司官會同各堂上官考試。考中者。咨送吏部銓選。不中者。發回原籍爲民。原保官吏治罪。今俱納授不考。徑香銓選。

【僧道】

釋道二教。自漢唐以來。通於民俗。難以盡廢。惟嚴其禁約。毋使滋蔓。令甲具在。最爲詳密云。

凡僧道給度。洪武五年。令給僧道度牒。罷免丁錢。僧錄道錄。司造周知冊頒行天下寺觀。凡遇僧道。卽與對冊。其父兄貫籍。告度日月。如有不同。卽爲僞冒。○二十六年。令各司每三年考試。能通經典者。申送到部。具奏出給度牒。○永樂元年。令三年一給度牒。○宣德元年。以僧道行童請給度牒甚多。諭禮部先令僧道官取勘。禮部同翰林院官。禮科給事中。及僧道官考試。能通經典。方准給與。○正統十四年。令僧道應給度牒者。各僧道衙門先行勘試。申送有司。審係額內。并貫籍明白。仍試精通經典。方許申送禮部。覆試中式。然後具奏請給。○景泰六年。令僧道務要持行修潔。本戶丁多。不係軍匠鹽竈等籍。里老保結呈縣覆實。具申府司類呈該部。方許收度。仍勘各寺觀原定額數。如已數多。不與出給。○嘉靖十八年。奏准僧道照國初額設定數。每僧道一名。納銀十兩。在內於兩京工部。在外於各布政司。直隸於各府。上納類解。免其赴京。其兩京給度。在京准二千名。南京一千名。○三十三年。題准各府州縣納解。年終造冊連庫。

收繳送戶部。給與號紙一張。咨送禮部填給度牒。○三十七年議准。每名量減銀四兩。○隆慶六年題准。禮部印發空頭度牒。通行各處召納。如有來京請給者。赴戶部納銀五兩。發號紙送禮部給牒。

凡僧道禁例。洪武二十年令。民年二十以上者。不許爲僧。○二十四年令。佛經番譯已定者。不許增減辭語。道士設醮。亦不許拜奏青詞。各遵頒降科儀。民有效瑜珈教。稱爲善友。假張真人名。私造符籙者。皆治以重罪。○二十七年。令榜示天下寺觀。凡歸併大寺。設碣基道人一人。以主差稅。每大觀道士。編成班次。每班一年高者率領。餘僧道俱不許奔走於外。及交構有司。以書冊稱爲題疏。強求人財。其一二人於崇山深谷修禪。及學全真者聽。三四人。不許。毋得私葺庵堂。若遊方問道。必自備路費。毋索取于民。所至僧寺。必揭周知冊驗實。不同者拏送有司。僧道有妻妾者。許諸人趕逐。相容隱者罪之。願還俗者聽。亦不許收民間兒童爲僧。違者并兒童父母皆坐以罪。年二十以下願爲僧者。亦須父母具告有司。具奏方許。三年後赴京考試。通經典者始給度牒。不通者杖爲民。有稱白蓮靈寶火居。及僧道不務祖風。妄爲議論沮令者。皆治重罪。○二十八年。奏准。天下僧道赴京考試。不通經典者。黜還俗。年六十以上者。免試。○永樂六年。令軍民子弟。僮奴。自削髮爲僧者。并其父兄。送京師。發五臺山做工。畢日。就北京爲民種田。及盧龍牧馬。寺主僧。擅容留者。亦發北京爲民種田。○十年。諭禮部。天下僧道。多不守戒律。民間修齋誦經。動輒較利厚薄。又無誠心。甚至飲酒食肉。遊蕩荒淫。略無顧忌。又有無知愚民。妄稱道人。一槩蠱惑。男女雜處。

無別。敗壞風化。洪武中僧道不務祖風。及俗人行瑜珈法。稱火居道士者。俱有嚴禁。卽揭榜申明。違者殺不赦。○十六年定。天下僧道。府不過四十人。州不過三十人。縣不過二十人。限年十四以上。二十以下。父母皆允。方許陳告有司。行鄰里勘保無礙。然後得投寺觀從師受業。五年後諸經習熟。然後赴僧道錄司考試。果諳經典。始立法名給與度牒。不通者罷還爲民。若童子與父母不願。及有祖父母父母。無他子孫侍養者。皆不許。有年三四十以上。先曾出家而還俗。及亡命黥刺。亦不許。寺觀住持容留違者罪之。○宣德八年。令天下有司關津。但遇削髮之人。捕送原籍治罪如律。○十年。禁僧道私自簪剃。及妄言惑衆者。○正統六年。令僧道多有壞亂心術。不務祖風。混同世俗。傷壞風化。都察院卽遵洪武舊例。出榜禁約。違者罪之。○天順八年。令各處僧人年二十以上。無度牒者。卽便還俗。有隱瞞年歲者。并其師治罪。○成化二十三年。令僧道有父母。見存無人侍養者。不問有無度牒。許令還俗養親。○嘉靖八年。奏准。凡宦戚施捨寺觀。不許容令婦女出入。及多蓄行童。若有私自簪剃。并犯姦者。各照律例問擬。凡清理寺觀。洪武二十四年。令清理釋道二教。凡各府州縣寺觀。但存寬大可容衆者一所。併居之不許。雜處於外。違者治以重罪。親故相隱者流。願還俗者聽。○又令天下僧道有剃立庵堂寺觀。非舊額者。悉毀之。○三十五年。令清理釋道二教。凡歷代以來。及洪武十五年以前。寺觀有名額者。不必歸併。新創者歸併如舊。○永樂十五年。禁僧尼私創庵院。○正統六年。令新創寺觀。曾有賜額者。聽其居住。今後再不

許私自剏建。○成化十三年。禁約遊方僧人。凡僧道住持。勅建寺觀。許二人。勅賜并在外寺觀。各止許一人。○正德十六年。奏准。今後再有私剏庵院寺觀。私度僧道尼姑女冠者。拏問治罪。寺觀折毀入官。○嘉靖六年。奏准。尼僧道姑。發還原籍出嫁。其庵寺房屋土地。盡數入官。○十四年。大興隆寺燬。令永不許復。併大慈恩寺。一應修齋俱革。僧徒聽告。就各寺依住。有歸化者。量給原寺田畝。仍免差徭六年。○十六年。題准。各該有司。欽遵聖諭。化正僧徒。願自還俗者。聽其自求安便。各處寺院年久。宮殿任其頽壞。不許修葺。民間幼童。不許捨入爲僧。私自披剃。如有此等。罪其父母及其鄰佑。○二十二年。令毀大慈恩寺。○萬曆元年。令五城御史。查各寺觀庵院。有遊食僧道。驅令回籍。仍比照居民保甲法。置立油牌。開寫年貌籍貫。以便稽查。其有私自簪剃。及不穿戴本等冠服者。訪拏治罪。

凡禁止戒壇。嘉靖四十五年。令在外行撫按衙門。督率有司。各查本處僧寺若干。僧徒若干。明白登簿。不時查點。不到者。罪坐住持。立限投銷。一切寄住遊僧。發回原籍當差。在京廠衙衙門。及五城御史。將京城內外地方大小僧寺。嚴加巡緝。有指稱受戒。姦淫不法者。訪拏重治。○萬曆元年。詔。禁革萬壽。廣善二壇僧人戒法。

凡保舉僧道。洪武二十六年。令各布政司。并直隸府州縣。申呈開設僧道衙門。保舉到僧人。劄付僧錄司。道士。劄付道錄司。考試。如果中式。就申吏部施行。

凡僧道罪犯弘治七年令僧道尼姑女冠有犯姦淫者就於本寺門首枷號一箇月滿日發落○十三年奏准僧道官僧人道士有犯挾妓飲酒者俱問發原籍爲民若姦拜認義父母親屬俱發邊衛充軍○凡僧道額外擅收徒弟者問發口外爲民住持還俗僧道官知而不舉者罷職○凡漢人出家習學番教不拘軍民曾否關給度牒俱問發原籍各該軍衛有司當差若漢人冒作番人發邊衛充軍

凡尼姑女冠洪武六年令民家女子年未及四十者不許爲尼姑女冠

凡真人名號洪武中革前代所稱天師止稱正一真人○隆慶二年題准革正一真人名號勒令繳納真人府印止許承襲上清觀提點○萬曆五年仍准復真人名號

凡道士差遣萬曆四年題准道士差往各陵寢祭告者止穿本等服色不許假稱太常寺官擅乘轎輿及香帛木匣之外多用入夫致擾驛遞

【教坊司承應樂舞】

朝會宴享等禮各有承應樂舞以教坊隸祠司故具列焉而樂戶禁例附

教坊司額設奉鑾一員左右韶舞二員左右司樂二員共五員遇缺以次遞補又有協同官十員實授俳

長四名隆慶六年以東宮出閣添協同官五員俳長四名協同俳長辦事色長十二名及抄案執燈色長等亦以次遞補

凡聖節冬至正旦行朝賀禮上徽號進實錄冊封頒詔進春進曆遣祭郊祀聽受誓戒進士傳臚及進士



上表俱用中和韶樂兼用堂下樂。

中和韶樂設于奉天殿內。先一日于御前奏知。如再用。卽奏云安定不動。計用舉麾奉鑾一員。侍班韶舞一員。看節次色長二人。歌工十二人。樂工七十二人。

凡朔望并歲首半月。太常寺奏祭祀陞殿。俱用堂下樂。

凡大祀天地。享太廟。祭社稷神祇。耕藉田。幸太學。導駕俱用堂下樂。

堂下樂設于奉天門北簷下。計用領樂韶舞等官三員。佻長二人。色長十二人。歌工十二人。樂工一百三十人。

凡大祀慶成。聖節。冬至。正旦。大宴。俱用丹陛樂。侑食樂。

丹陛樂設于奉天殿前丹陛上。計用領樂佻長二人。色長四人。歌工十二人。樂工一百八人。

侑食樂設于奉天殿內。計用唱蓋奏樂。奉鑾等官五員。領樂色長四人。歌工四人。樂工三十一人。

凡禮部進表箋及迎詔。俱用大樂。

大樂提調色長一人。

凡大祀天地。導駕回。圓丘出南天門。方澤出北天門。錦衣衛官奏起輦。色長一人。唱作樂。奉鑾一員。唱樂奏神歡之曲。樂作。導至奉天門。樂止。駕至奉天門。堂下樂作。駕至奉天殿。樂止。上易服。鴻臚寺官奏請陞

殿。色長唱作樂。奉饗舉麾。唱樂奏聖安之曲。中和韶樂作。上陞座。樂止。鳴鞭致詞。俟贊禮堂下樂作。禮畢。樂止。贊禮畢。奉饗舉麾。唱樂。奏定安之曲。中和韶樂作。駕興。還至華蓋殿。樂止。計用領樂官五員。俳長四人。協同。俳長辦事。色長十二人。各。色。色長八十四人。樂正十八撥。第一撥一百八人。第二撥至十八撥。每撥不等。大約二三十人。歌工每撥十二人。

凡太廟時享。導駕回。上祭畢。至廟街門內。陞輦。錦衣衛官奏起輦。俳長唱作樂。官一員奏樂。奏敬祖宗之曲。導至午門裏。樂止。計用領樂官五員。俳長十人。各。色。色長四十人。樂工四撥。每撥一百八人。歌工十二人。

凡祭社稷。導駕回。上祭畢。至社稷門內。陞輦。錦衣衛官奏起輦。俳長唱作樂。官一員奏樂。奏神歡之曲。導至午門裏。樂止。計用領樂官五員。俳長四人。各。色。色長十六人。樂工二撥。每撥一百二人。歌工十二人。凡祭山川。導駕回。上祭畢。陞輦。錦衣衛官奏起輦。色長唱作樂。官一員奏樂。奏神歡之曲。導至奉天門。樂止。計用樂工十八撥。樂章樂器并用人數。與郊祀回同。

凡幸太學。導駕回。上幸太學。禮畢。陞輦。錦衣衛官奏起輦。色長唱作樂。官一員跪奏樂。奏神歡之曲。導至奉天門。樂止。上陞座。樂作。坐定。樂止。百官行禮。樂作。禮畢。樂止。駕還宮。樂作。至奉天殿。樂止。計用樂工八撥。樂章樂器并用人數。與郊祀回同。

凡耕藉田。導駕回。祭先農畢。至藉田所。戶部尚書捧鞭跪進。本司官引裝扮裏行十八人。內村田樂。老人四人。禾棘十四人。各念禾詞。外行七十二人。各作樂器擯撥。隨駕行三推禮。畢。駕至儀門。嘉靖十年後。御觀耕蠶。座樂止。觀三公九卿耕訖。本司承應用大樂。擯撥百戲院。本探子勛斗隊舞。畢。嘉靖十年更定。擯撥百戲。俱于宴時承應。本司官跪贊致語。駕至殿內陞座。進湯。進膳。俱用樂。順天府官并耆老人等行禮。謝恩。樂作。禮畢。樂止。次百官行禮。樂作。禮畢。樂止。賜百官酒飯。復入班行禮。樂作。禮畢。樂止。尚膳官進膳。樂作。進訖。樂止。百官入席。本司官奏一奏。本太初之曲。進酒。樂作。進訖。樂止。進膳。樂作。進訖。樂止。本司官跪奏。進湯。樂作。徹湯。樂止。二奏。仰大明之曲。進酒。進膳。進湯。樂作。進訖。樂止。皆如前。三奏。民初生之曲。進酒。進膳。進湯。樂作。進訖。樂止。復皆如前。徹御案。樂止。百官行禮。樂作。禮畢。樂止。鴻臚寺官奏禮畢。駕起陞輦。仍用十八撥。樂工歌工前導。起犖色長唱。乍樂。本司官跪奏。樂奏神歡之曲。導至午門前。樂止。

凡大宴。駕出。至奉天門。色長唱。乍樂。丹陛樂作。駕陞奉天殿。樂作。鴻臚寺贊百官四拜禮畢。樂止。光祿寺進御筵。樂作。內官設案。訖。樂止。進花。進膳。樂作。進訖。樂止。奉饗奏一奏。上萬壽之曲。侑食。樂作。斟酒。贊跪。本司官奏。進酒。樂止。各官就坐。奏樂。奏平定天下之舞。引舞。樂工二人。舞人。樂工三十二人。舞畢。奏二奏。仰天恩之曲。侑食。樂作。奏進酒。樂止。殿外導湯。樂作。領樂。俳長一人。色長四人。擯節。樂工二十四人。殿內迎湯。樂作。領樂。色長二人。歌工四人。湯至。奏進湯。樂作。贊饗成。徹湯。樂止。奏黃童白叟鼓腹謳歌承應舞。

念禾詞俳長一人。歌工四人。樂工十五人。白叟六人。黃童八人。舞畢奏樂。奏撫安四夷之舞。引舞樂工二人。歌工四人。樂工十七人。高麗舞。琉球舞。北番舞。回回舞。各四人。舞畢奏三奏感帝德之曲。今欽定感德之曲。侑食樂作。奏進酒。樂止。奏樂。奏車書會同之舞。舞人樂工三十四人。舞畢奏四奏民樂生之曲。侑食樂作。奏進酒。樂止。導湯樂作。迎湯樂作。如前。奏進湯。樂作。贊饌成徹湯。樂止。奏樂奏表正萬邦之舞。引舞樂工二人。舞人樂工六十四人。舞畢。五奏感皇恩之曲。侑食樂作。奏進酒。樂止。導湯樂作。迎湯樂作。如前。奏進膳。樂作。徹湯膳并御筵。樂止。奏樂奏天命有德之舞。引舞二人。舞人樂工六十四人。舞畢。奏纓鞭得勝蠻夷隊舞。舞人樂工一百四人。承應內獅子舞五人。舞畢。官二員。更送致語萬民安樂。天下太平。嵩呼萬歲。再動樂聲。樂作。樂止。百官四拜禮畢。

凡進士傳臚。上將陞殿。色長唱作樂官一員。舉麾奏樂。奏聖安之曲。中和韶樂作。上陞座。樂止。舉人行禮。堂下樂作。禮畢。樂止。傳制黃榜案起。樂作。至丹墀。置定。樂止。傳臚舉人行禮。樂作。禮畢。樂止。案起。樂作。安至奉天門外。樂止。大樂迎黃榜出鴻臚寺。官致詞。百官行賀禮。樂作。禮畢。樂止。本司官舉麾奏樂。奏定安之曲。中和韶樂作。駕還宮至華蓋殿。樂止。

凡進士上表謝恩。上將陞殿。色長唱作樂官一員。舉麾奏樂。奏聖安之曲。中和韶樂作。上陞座。樂止。鴻臚寺官贊。百官行常朝禮。樂作。禮畢。樂止。諸進士行禮。樂作。禮畢。樂止。進表。表案起。堂下樂作。安置定。樂止。

宣表畢進士行禮。俯伏樂作。禮畢。樂止。進士行四拜禮。樂作。禮畢。樂止。本司官舉麾奏樂。奏定安之曲。中和韶樂作。駕還宮至華蓋殿。樂止。

凡慶賀東宮千秋節。并朔望朝參。領樂官五員。俳長二人。歌工四人。樂工四十人。

凡慶賀東宮冠禮畢。宴用七奏樂。領樂官四員。俳長二人。色長四人。歌章拍板樂工四人。樂工十人。

凡慶賀皇太后聖節。女樂奉嬪等官妻五人。提調女樂四人。歌章二十四人。奏樂一百一十五人。

凡慶賀中宮女樂同前。

凡每日常朝。樂工二十人。于午門外御道兩旁侍立。

凡諸王公主婚嫁。本司用大樂前導。

凡進實錄。并纂修書籍成。賜宴禮部。俱本司承應。

凡進士傳臚後。例於禮部設宴。武舉開榜後。例於兵部開宴。俱本司承應。

凡四夷人朝貢到京。例子會同館設宴。本司承應。

凡供應樂器。遇有毀壞。本司申禮部題請。咨工部造辦。其絃線等料。南京教坊司三年一解。南京禮部咨禮部驗給。

凡御樂庫看庫人役。三年一次僉補。每年六月六日。曬晾在庫袍服。

凡樂戶禁例。本司官俳色長諳曉某藝。于某年月日補充某役。俱造文冊備照。如遇官俳色長有缺。皆以次選補。但係爲事革役閒住者。再不得補充。其本司老疾不堪承應之人。放回原籍爲民。一體當差。○洪武永樂間。令各衙門人指稱本司樂戶寄附贓物。法司不得追取。○景泰七年議准。凡良家女子。本司不許買作倡優。犯者問擬如律。子女發回寧家。仍查原係民戶。今爲樂戶。許今改正。其樂戶內有願從良者。聽其自首與民一體當差。○弘治九年議准。樂戶家不許容畱盜賊。及不知來歷之人。事發官俳色長俱治罪。○又令私買私賣良家子女及媒合人等。俱於三院門首枷號一箇月。滿日照依律例發落。該管色長并鄰佑人等不首告者。與同罪。官俳查提從重問擬。南京及各王府同 ○十三年奏准。教坊司官俳精選樂工演習聽用。若樂工投託勢要。挾制官俳及抗拒不服拘喚者。聽申禮部送問。就於本司門首枷號一箇月發落。若官俳徇私聽囑放富差貧。縱容逃躲者。參究治罪。革去職役。

# 明會典卷之一百五禮部六十三

主客清吏司

郎中員外郎主事分掌諸番朝貢接待給賜之事簡其譯伴明其禁令凡百官恩賚各省土貢亦隸焉。

【朝貢一】

國初諸番國及四夷土官朝貢具載職掌其後慕化者衆事例日增土官衙門添設別見兵部而事關朝貢者附此。

【東南夷上】見祖訓及職掌凡二十國

祖訓列不征諸夷朝鮮、日本、大小琉球、安南、真臘、暹羅、占城、蘇門荅刺、西洋、爪哇、彭亨、百花、三佛齊、淳泥、凡十五國職掌所載又有瑣里、西洋瑣里、覽邦、淡巴須、文達那諸國與祖訓稍有不同洪武初分遣使臣奉詔往諭諸番以平定四海之意多隨使來朝貢者八年諭安南、高麗、占城等國每三年一朝貢國王嗣立則世見永樂中數有事于西洋遣中使以舟師三萬齎金帛諭賜之隨使朝貢者十有六。

朝鮮國

祖訓朝鮮國卽高麗其李仁人及子李成桂今名旦者自洪武六年至洪武二十八年首尾凡弑王氏四

王姑待之。按高麗併有扶餘新羅百濟其國分八道。洪武二年國王王顥遣使奉表賀卽位請封貢方物。詔封爲高麗國王。賜龜鈕金印。詔命五年以高麗貢使煩數諭令三歲或歲一來。二十五年李成桂代王氏請更其國號。詔更號朝鮮。永樂初賜印詔。自後每歲聖節正旦嘉靖十年外夷朝正旦者俱改冬至皇太子千秋節皆遣使奉表朝賀貢方物其餘慶慰謝恩無常期。若朝廷有大事則遣使頒詔於其國國王請封亦遣使行禮。其歲時朝貢視諸國最爲恭慎。嘉靖二十六年特許其使臣同書狀官及從人二三名於郊壇及國子監游觀禮部劄委通事一員伴行撥館夫防護以示優異云。貢道由鴨綠江歷遼陽廣寧入山海關達京師。又中國漂流人口至本國者量給衣糧送回。先是永樂元年其國王具奏世系不係李仁人之後以辯明祖訓所載弑逆事詔許改正。正德嘉靖中屢以爲請皆賜勅獎諭焉。萬曆三年使臣復申前請詔付史館編輯今錄于後。

李成桂系出本國全州遠祖翰仕新羅爲司空六代孫兢休入高麗十三代孫安社生行里行里生椿椿生子春是爲成桂之父李仁人者京山府吏長庚裔也始王氏恭愍王顥無子養寵臣辛旽子禍爲子恭愍王爲嬖臣洪倫等所弑李仁人當國誅倫等立禍禍嗣位十六年遣將入犯遼東成桂爲副將在遣中至鴨綠江與諸將合謀回兵禍懼傳位于其子昌時恭愍妃安氏以國人黜昌立王氏孫定昌君瑤誅禍昌遂二人已而瑤妄殺戮國人不附共推成桂署國事表聞高皇帝命爲國王。



遂更名曰贖瑤別邸終其身。

貢物

金銀器皿

螺鈿梳函

白綿紬

各色苧布

龍文簾席

各色細花席

豹皮

獺皮

黃毛筆

白綿紙

人參

種馬每三年五十匹

近有加貢不在種馬之數

日本國

祖訓日本國雖朝實詐暗通奸臣胡惟庸謀爲不軌故絕之按日本古倭奴國世以王爲姓其國有五畿七道及屬國百餘時寇海上洪武五年始令浙江福建造海舟防倭七年其國王良懷遣僧朝貢以無表文却之其臣亦遣僧貢馬及茶布刀扇等物以其私貢却之又以頻年爲寇令中書省移文詰責自後屢却其貢并安置所遣僧于川陝番寺十四年從其請遣還十六年築登萊至浙竝海五十九城二十年築福建竝海十六城各置衛所永樂初復來朝貢賜龜鈕金印誥命封爲日本國王名其國鎮山曰壽安鎮國之山御製碑文賜之給勘合百道始令十年一貢貢道由浙江寧波府每貢正副使等毋過二百人若

貢非期。人船踰數。夾帶刀鎗。竝以寇論。宣德初。遣貢不如約。諭使臣自今貢毋過三船。人毋過三百。刀劍毋過三十。嘉靖六年。奏准。凡貢非期。及人過百。船過三。多挾兵器。皆阻回。二十九年。定日本貢船。每船水夫七十名。三船共計水夫二百一十名。正副使二員。居坐六員。土官五員。從僧七員。從商不過六十人。三十年後。時入寇掠。自是朝貢未有至者。

貢物

馬

盃

鎧

劍

腰刀

鎗

塗金裝綵屏風

灑金廚子

灑金文臺

灑金手箱

描金粉匣

描金筆匣

抹金銅提銚

灑金木銚角盃

貼金扇

瑪瑙

水晶數珠

硫黃

蘇木

牛皮

琉球國

祖訓。大琉球國朝貢不時。王子及陪臣之子。皆入太學讀書。禮待甚厚。小琉球國不通往來。不曾朝貢。按

琉球國有三王。洪武初，中山王察度、山南王承察度、山北王帕尼芝，皆遣使奉表箋貢馬及方物。十六年，各賜鍍金銀印。二十五年，中山王遣子姪入國學，以其國往來朝貢，賜閩人三十六姓善操舟者。永樂以來，國王嗣立，皆請命冊封。後惟中山王至，中山王世稱尙氏。諭令二年一貢，每船百人，多不過百五十人。貢道由福建閩縣。

貢物

馬

刀

金銀酒海

金銀粉匣

瑪瑙

象牙

螺殼

海巴

擢子扇

泥金扇

生紅銅

錫

生熟夏布

牛皮

降香

木香

速香

丁香

檀香

黃熟香

蘇木

烏木

胡椒

硫黃

磨刀石

右象牙等物進收。硫黃、蘇木、胡椒運送南京。該庫馬就於福建發缺馬羸站走遞。磨刀石發福建官庫收貯。

安南國

祖訓。安南國三年一貢。按安南古交趾地。洪武二年。其國王陳日燿。遣使朝貢請封。詔封爲安南國王。賜鍍金銀印誥命。未至而日燿卒。以封其弟日烜。後其臣陳叔明專國。黎季犛篡立。俱降詔詰責。季犛詭言陳氏無後。請署國事。已而日烜弟天平來訴。季犛又詭迎天平還國。伏兵殺之。永樂四年。發兵討平。俘季犛父子。郡縣其地。尋有季犛之亂。甫定而黎利復叛。宣德間遣使謝罪請命。因宥而封之。嗣後朝貢如常。別有進中宮、東宮方物。其餘慶慰謝恩無常期。朝廷有大事。則遣使頒詔於其國。國王請封。亦遣使行禮。嘉靖十九年。其臣莫登庸篡立。發兵討之。明年登庸降。詔革王封。止授都統使。其所轄海陽等十三路。各改設安撫司。每司設安撫一員。同知一員。聽自行陞黜。遇朝貢之年。以陞黜過官員總數奏聞。後登庸子莫福海嗣。朝貢不常。萬曆四年。都統使莫茂洽遣使慶賀。并補貢二次。九年復來貢。亦補二次。貢道由廣西憑祥州。

貢物

金銀器皿

犀角

象牙

白絹

薰衣香

降真香

沈香

速香

木香

墨線香

紙扇

真臘國

真臘本扶南屬國。其國濱海。後併有扶南。洪武四年。其國巴山王忽兒那遣使貢方物。賀正旦。六年復來貢。貢道由廣東。後朝貢不常。

貢物

象

象牙

犀角

孔雀翎

寶石

土降香

蘇木

烏木

黃花木

胡椒

黃蠟

暹羅國

國濱海。本暹與羅斛二國。後併爲一。洪武四年。其國王參烈照昆牙遣使奉金葉表來朝。貢方物。賀正旦。六年參烈寶昆牙復遣貢。併獻其國地圖。十年遣人齎詔及印往賜之。十六年給文冊。永樂元年遣使乞

量衡爲國中式自後定三年一朝貢貢道由廣東萬曆七年遣使其金葉表文入貢  
貢物

象

象牙

犀角

孔雀尾

翠毛

龜筒

六足龜

寶石

珊瑚

金戒指

片腦

米腦

糖腦

腦油

腦柴

檀香

速香

安息香

黃熟香

降眞香

羅斛香

乳香

樹香

木香

烏香

丁香

薔薇水

碗石

丁皮

阿魏

紫梗

藤竭

藤黃

硫黃

沒藥

烏參泥

肉豆蔻

胡椒

白豆蔻

葷菜

蘇木

烏木

大楓子

苾布

油紅布

白纏頭布

紅撒哈刺布

紅地紋節智布

紅杜花頭布

紅邊白暗花布

乍連花布

烏邊葱白暗花布

細棋子花布

織人象花文打布

西洋布

織花紅絲打布

織雜絲打布

紅花絲手布

剪絨絲雜色紅花被面

織人象雜色紅花文絲縵

占城國

祖訓。自占城以下。蘇門答刺。西洋。爪哇。彭亨。百花三佛齊。淳泥。諸國來朝。時內帶行商。多行譎詐。故沮之。自洪武八年。沮至。洪武十二年。方乃得止。按占城國濱海。即古越裳林邑。洪武二年。其國王阿答阿者。遣使朝貢。詔封為占城國王。賜鍍金銀印。四年。遣使奉金葉表朝貢。十六年。復遣子來賀聖節。乃齋與勘合文冊。二十四年。復來朝貢。以其臣弑立。命絕之。永樂後。其國與諸國皆來朝貢。始定三年一貢。貢道由廣東。正統後。其國襲封。遣使行禮。

貢物

象

象牙

犀

犀角

孔雀

孔雀尾

橘皮抹身香

薰衣香

奇南香

金銀香

土降香

燒碎香

檀香

柏香

花藤香

龍腦

烏木

蘇木

花梨木

蕪蔓香沙

紅印花布

油紅綿布

白綿布

烏綿布

圓壁花布

花紅邊縵

雜色縵

番花手巾

番花手帕

兜羅綿被

洗白布泥

爪哇國

國濱海。即古闍婆。有東西二王。洪武五年。其國王昔里八達刺八刺蒲遣使奉金葉表貢方物。并納元所



授宣勅。十四年來貢如初。有黑奴三百人。後絕其貢。永樂二年。其國東王李令達哈遣使朝貢。請印賜塗金銀印。五年。西王都馬板滅東王遣使謝罪。正統八年。令三年一貢。後朝貢無常。

貢物

火雞

鸚鵡

孔雀

孔雀尾

翠毛

鶴頂

犀角

象牙

玳瑁

龜筒

寶石

珍珠

薔薇露

奇南香

檀香

麻藤香

速香

降香

木香

乳香

黃熟香

安息香

烏香

龍腦

丁皮

沒藥

肉豆蔻

白豆蔻

藤竭

血竭

蘆薈

阿魏

大楓子

番木鼈子

菓澄茄

菓菱

悶蟲藥

黃蠟

番紅土

烏爹泥

金剛子

碗石

錫

西洋鐵

摺鐵刀

鐵鎗

苾布

油紅布

蘇木

烏木

胡椒

彭亨國

國濱海。洪武十一年。其王麻哈刺惹荅饒。遣使奉金葉表。貢番奴及方物。永樂十二年。復遣使朝貢。

貢物

金水罐

象牙

乳香

速香

檀香

片腦

胡椒

百花國

國居海中。洪武十一年。其王刺丁刺者望沙。遣使奉金葉表朝貢。

貢物

白鹿

紅猴

龜筒

玳瑁

孔雀

鸚鵡

倒挂鳥

胡椒

香

蠟

三佛齊國

國居海中。卽舊港。本南蠻別種。有地十五州。洪武初。其國王怛麻沙那阿者。稱臣入貢。四年。遣使奉金字表朝貢。六年。遣賀正旦貢方物。八年。復遣使從招諭拂菻國。十年。其子麻那者。巫里嗣立。奉表請封。遣入齋駝鈕鍍金銀印賜之。

貢物

火雞

五色鸚鵡

孔雀

龜筒

黑熊

白獺

諸香

米腦

苾布

兜羅綿被

肉豆蔻

番油子

胡椒

淳泥國

國居海中。本屬閩婆。有地十四州。洪武四年。其國王馬合謨沙。遣使以金表銀箋貢方物。永樂三年。遣使往封麻那惹加那。乃爲王。給印誥勅符勘合。六年。王率其妃及家屬陪臣來朝。至福建。遣中官往宴勞之。令所過諸郡設宴。至京。王奉金字表獻珍物。妃箋獻中宮。東宮。上御奉天門。賜王宴。是年王卒於會同館。輟朝三日。祭賻甚厚。詔諡恭順。賜葬南京城外石子岡。以西南夷人隸籍中國者。守之。樹碑立祠。命有司春秋致祭。封其子遐旺嗣。遣中官及行人護送歸國。復從其請。封其國後山爲長寧鎮國之山。御製碑文。賜之。十二年及洪熙元年。俱來朝貢。

貢物 單目  
用銀

五色鸚鵡

倒挂鳥

孔雀

鶴頂

犀角

熊皮

生玳瑁

龜筒

寶石

珍珠

金戒指

金縷環

金銀八寶器

梅花龍腦

米腦

糖腦

降香

沈速香

檀香

丁香

肉豆蔻

黃蠟

螺殼

西洋白布

黑小厮

須文達那國

洪武十六年其國王殊且麻勒兀達勝遣使奉金葉表來貢

貢物

馬

幼苾布

隔著布

八的力布

花滿直地

番綿紬直地

兜羅綿

撒刺八

幼賴隔著

撒哈刺

薔薇水

降香

沈速香

蘇門答刺國

國濱海永樂三年其酋長宰奴里阿必丁遣使朝貢詔封爲國王給印誥五年至宣德六年屢遣使來貢

表用金葉十年復請封其子爲王或曰卽須文達那國

貢物

馬

犀牛

龍涎

寶石

瑪瑙

水晶

石青

回回青

錫

硫黃

番刀

弓

撒哈刺

梭眼

木香

丁香

降真香

沈速香

胡椒

蘇木

西洋瑣里國

國濱海近瑣里視瑣里差大洪武三年其國王別里提遣使奉金葉表貢方物永樂元年復遣使朝貢

貢物

黃黑虎

馬

兜羅綿被

漫折的花被

皮剔布

稟泥布

沙馬打里布

瑣里國

西海中小國。洪武五年。其國王卜納的遣使奉金葉表貢方物。并圖其地山川以獻。

貢物

馬

紅八者藍布

紅撒哈刺

凱木里布

紅番布

白苾布

珠子項串

覽邦國

洪武九年。國王昔里馬哈刺扎的刺扎。遣使奉表來貢。永樂、宣德中。附鄰國貢方物。

貢物

馬

孔雀

胡椒

蘇木

檀降香

淡巴國

在西南海中。洪武十年。國王佛喝思囉遣使奉表朝貢。

貢物

苾布

檀香

兜羅綿被

速香

沈香

胡椒



明會典卷之一百六 禮部六十四

【朝貢二】

【東南夷下】

蘇祿國

國在東南海中。永樂十五年。蘇祿東國巴都葛叭荅刺。西國麻哈刺吒葛刺麻丁峒。妻叭都葛巴刺卜。各率其屬三百餘人。奉金鏤表朝貢。各賜印誥。封為其國王。三王者。東王為尊。西峒二王副之。東王歸次德州卒。賜祭。命有司葬。以王禮。御製碑文。畱其妃妾。僉從十人守墓。三年還國。勅諭其子都麻舍。封為東王。十九年遣使來貢。

貢物

梅花腦

米腦

竹布

綿布

玳瑁

降香

蘇木

胡椒

蓴菜

黃蠟

番錫

古麻刺國

國在東南海中。永樂十八年。國王幹刺義亦敦奔率妻子及陪臣來朝。貢方物。請封給印誥。仍其舊號。行至福州卒。詔諡康靖。勅葬閩縣。令有司歲致祭。

古里國

古里大國。西洋諸番之會。永樂三年。其酋長沙米的遣使朝貢。勅封爲古里國王。給印誥。五年。七年。皆遣使朝貢。

貢物

寶石

珊瑚珠

琉璃瓶

琉璃碗

寶鐵刀

拂郎雙刃刀

金繫腰

錫

阿思摸達塗兒氣

龍涎

蘇合油

乳香

檀香

木香

梔子花

胡椒

花氈單伯蘭布

苾布

紅絲花手巾

番花人馬象物手巾

線結花靠枕

滿刺加國

永樂三年其酋長拜里述蘇刺遣使奉金葉表朝貢詔封爲國王給印誥使者言王慕義願同中國屬郡歲效職貢又請封其國西山詔封爲鎮國之山御製碑文賜之九年國王率其妻子及陪臣五百四十餘人朝貢命官往勞上御奉天門宴之十年遣使來貢十二年國王子母幹撒干的兒沙來朝告父卒命嗣封二十二年及宣德九年國王復來正統十年以後屢遣使來貢貢道由廣東天順三年其王嗣子請封遣使行禮

貢物

犀角

象牙

玳瑁

瑪瑙珠

鶴頂

金母鶴頂

珊瑚樹

珊瑚珠

金鑲戒指

鸚鵡

黑熊

黑猿

白麋

鎖服

撒哈刺

白苾布

薑黃布

撒都細布

西洋布

花縵

薔薇露

梔子花

烏參泥

蘇合油

片腦

沈香

乳香

黃速香

金銀香

降真香

紫檀香

丁香

樹香

木香

沒藥

阿魏

大楓子

烏木

蘇木

番錫

番鹽

黑小斲

娑羅國

永樂四年東王、西王各遣使朝貢。

貢物

珍珠

玳瑁殼

花焦布

降真香

黃蠟

黑小斲

白焦布

阿魯國

在西南海中。永樂五年。其王速魯唐忽先遣使附古里諸國朝貢。

貢物

象牙

熟腦

小葛蘭國

永樂五年遣使附蘇門荅刺等國朝貢。

貢物

珍珠傘

白綿布

胡椒

榜葛刺國

西天有五印度國。榜葛刺即東印度。永樂六年國王嚳牙思丁來朝貢。九年。至太倉。命行人往宴勞之。十二年。王塞弗丁遣使貢麒麟等物。正統三年貢同表用金葉。

貢物

馬

馬鞍金銀  
事物

戩金琉璃器皿

青花白瓷

撒哈刺

者抹黑荅立布

洗白苾布

兜羅綿

鶴頂

犀角

翠毛

鶯哥

糖霜

乳香

熟香

烏香

麻藤香

烏爹泥

紫膠

藤竭

烏木

蘇木

胡椒

麤黃

錫蘭山國

永樂九年遣使諭西洋諸國歸經錫蘭山其國王亞烈苦奈兒發兵絕我歸路使者襲其城生擒國王及家屬獻于朝命釋之擇立其屬之賢者十年封耶巴乃那為王正統十年天順三年遣使來貢

貢物

寶石

珊瑚

水晶

金戒指

撒哈刺

西洋細布

乳香

木香

樹香

土檀香

沒藥

硫黃

藤竭

蘆薈

烏木

胡椒

碗石

象

招納撲兒國

國在印度之中。即古佛國。永樂十八年。其國王亦不刺金。數侵榜葛刺國。遣使齋勅諭之。

拂菻國

在嘉峪關外萬餘里。洪武四年。遣其國故民捏古倫齋詔諭之。尋遣使朝貢。

柯枝國

永樂二年。其國王可亦里遣使朝貢。十年。復遣使來請封其國之山。詔封爲鎮國山。御製碑文賜之。仍賜國王印誥。

麻林國

永樂十二年。遣使來朝貢麒麟等物。

呂宋國

洪武五年。與瑣里諸國同貢方物。永樂三年。遣使朝貢。萬曆四年。助討逋賊有功。來貢。貢道由福建。

碟里國

日羅夏治國

合猫里國

永樂三年。同爪哇國朝貢。

古里班卒國

打回國

忽魯謨斯國 又云忽魯母思以上俱永樂三年遣使朝貢

加異勒國

祖法兒國 又云左法兒

阿哇國

南巫里國

奇刺尼國

夏刺比國

烏涉刺踢國

阿丹國

彭加那國

捨刺齊國

坎巴夷替國

黑葛達國 又有白葛達宣德七年至

不刺哇

木骨都束

千里達

沙里灣泥 以上俱永樂中遣使朝貢

甘把里國 又云甘巴里永樂十二年遣使朝貢

溜山國

急蘭丹國

窟察尼國

魯密國

八可意國

刺撒

喃渤利



# 明會典卷之一百七 禮部六十五

## 【朝貢三】

### 【北狄】

北狄韃靼最大。自胡元遁歸沙漠。其餘孽世稱可汗。東兀良哈。西哈密。北瓦剌。瓦剌強。數敗韃靼。其後兀良哈哈密皆內附。而兀良哈遂分爲朵顏等三衛。瓦剌會馬哈木。封順寧王。韃靼會阿魯台。乞降。封和寧王。皆遣使入貢。自後叛服不常。成化中。小王子亦通貢。貢無常期。隆慶中。俺荅封順義王。每歲貢馬互市。至今不絕。

### 迤北小王子 瓦剌三王

永樂元年。韃靼知院阿魯台。瓦剌馬哈木。各遣人入貢。七年。封瓦剌馬哈木順寧王。太平賢義王。把禿孛羅安樂王。通貢不絕。十一年。阿魯台乞降。奉表稱臣。貢駝馬。封和寧王。尋各叛去。二十年。阿魯台弑其可汗本雅失里。而自立。馬哈木攻破之。遂立元孽脫脫不花爲可汗。居漠北。宣德元年。瓦剌太平子捏烈忽嗣賢義王。馬哈木子脫歡。嗣順寧王。二年。阿魯台脫歡。各遣人朝貢。三年。脫歡復貢。六年。阿魯台遣人自遼東入貢。九年。脫歡擊敗阿魯台。走死。遣人朝貢。且告捷。正統初。可汗脫脫不花。及脫歡。遣人貢馬。六年。

脫脫不花及其大師也。先貢馬也。先者脫歡子也。景泰元年。阿剌知院遣人貢馬。請和。賜勅諭意。復貽書瓦剌。可汗賜也。先勅遣可汗也。先阿剌金幣脫脫不花。乃遣皮兒馬黑麻報貢也。先使亦至。賜宴于奉天門。陞賞有差。三年。瓦剌同牟撒來王子遣人貢馬也。先既攻敗脫脫不花。獻良馬二匹來告捷。命宴其使。賜鈔幣也。先請命使往來不許。是歲瓦剌使臣大尉察占。平章哈只阿力等二千九百餘人。宴禮部也。先使每至京。常三千餘人。出入驕恣。貢使未還。虜騎輒入塞。鹵掠朝廷。以通好故不問。其頭目正副使授都督。都指揮等官。各賞金犀等帶三千餘人。皆有賜。織金綵紵至二萬六千四百餘疋。絹九萬一百餘疋。衣靴帽以萬計。及也先自立爲可汗。遣哈只貢馬及貂鼠銀鼠皮。書稱大元田盛大可汗。朝廷亦稱瓦剌可汗以報之。是歲也。先弟賽因孛羅魯王諸酋竝遣人貢馬也。先新立。欲與中朝通好。貢市往來。然賞賜亦以百萬計。天順初也。先爲哈剌所逐死。孛來殺哈剌。立小王子爲可汗。孛來癘王子復弑小王子。立脫思脫思者。小王子從兄也。及孛來衰而大酋毛里孩阿羅出。孛羅忽入河套相持。時遣人貢馬。然亦數寇邊。成化初。滿都魯稱可汗。亂加思蘭爲太師。與孛羅出更入爲寇。惟九年一貢馬。十三年。滿都魯亂。加思蘭遣桶哈阿忽刺等四千人。貢馬駝五千。許以一千七百人入邊。虜中亂。滿都魯亦衰。而後把禿猛可王太師亦思馬因。知院脫羅千。屢遣人貢馬。弘治初。把禿猛可死。弟伯顏猛可立。及其酋長與瓦剌皆貢馬。伯顏猛可與火篩相攻。小王子益衰。虜自天順成化以來。更立數王。然皆稱小王子。自是頻年入貢。元年貢

使六千餘人。准放一千五百餘人。三年。三千五百人。准放一千五百人。四年。五千人。准放一千七百餘人。九年。三千人。准放一千人。十年。六千人。准放二千人。至京者。以五百人爲率。貢道皆由大同。入居庸。正德中。瓦剌西徙。與土魯番相讐殺。小王子復強。小王子三子。長阿爾倫。其後爲土蠻罕。次阿著。次滿官。噴阿爾倫爲太師。亦不剌所弑。二子卜赤也。明皆幼。阿著稱小王子。未幾死。衆立卜赤稱亦克罕。而亦不剌部。從吉囊居套。火篩部從俺荅居漠。老把都住牧宣府塞外。與吉囊子吉能。東西出沒。竝聽俺荅調度。吉囊俺荅老把都皆阿著子。而俺荅最強。嘉靖間。犯邊無寧歲。遂絕其貢。至隆慶中。復款貢爲順義王。

貢物

馬

駝

貂鼠皮

海青

順義王

嘉靖間。虜吉囊駐牧河套。近延寧。俺荅近大同。山西老把都近宣府。各衆十餘萬。時時寇邊。二十九年。俺荅入犯。薄都城。脅求通貢。不許。隆慶四年。俺荅孫把漢那吉來降。詔授官職。厚撫之。俺荅屢請不得。遂執板升叛人趙全等以獻。請贖還那吉。因乞封貢。許之。乃封俺荅爲順義王。賜勅印。令約束諸部落。其弟老把都。其子黃台吉等。并各部皆授以都督指揮。千百戶等官。每年一貢。以二月爲期。貢由小王子故道。馬

不過五百匹內選上馬三十四匹督撫代進。餘畱邊給軍。夷使不過一百五十名。俱畱大同。應得賞賜。差官齎發軍門頒給。五年套虜吉囊子吉能。因俺荅求貢。詔授吉能都督。部下頭目量授指揮千百戶。每年貢馬二百匹。內選上馬二十四匹。送宣大軍門類進。餘馬及夷使二十名。俱畱延寧。賞賜亦差官齎給。仍許開市。諸酋貢者六枝。一老把都。後爲青把都。台吉等。一黃台吉等。今爲扯力克等。一永邵卜大成。台吉等。一兀慎打兒漢。台吉等。一合羅氣把都兒。台吉等。一吉能。後爲把都兒。黃台吉等。今爲卜失兔阿不害等。皆統于順義王俺荅。開市凡十一處。在大同者三。曰得勝口。曰新平。曰守口。在宣府者一。曰張家口。在山西者一。曰水泉營。在延綏者一。曰紅山寺堡。在寧夏者三。曰清水營。曰中衛。曰平虜衛。在甘肅者二。曰洪水扁都口。曰高溝寨。歲以爲常。市各二日。每月又有小市。六年貢市。夷人一百五十二名。萬曆元年。增至四百五十三名。二年。增至五百五十七名。題准行該鎮督府量加節制。俺荅死。黃台吉嗣王。更名乞慶哈。扯力克嗣封龍虎將軍。

貢物

馬

鍍金鞍轡

撒袋

達弓

雕翎箭

朶顏衛

福餘衛

泰寧衛

兀良哈。卽古山戎。後稱庫莫奚。在烏龍江南。漁陽塞北。元時爲大寧路北境。國初設北平行都司。洪武十四年。以大寧地封子權爲寧王。二十一年。東夷遼王。惠寧王。朶顏元帥府元帥等。各遣使來朝。二十二年。乃分兀良哈爲三衛於橫水之北。曰朶顏。曰福餘。曰泰寧。以處降胡。授指揮使等官。各賜冠帶。俾領所部。永樂元年。三衛來朝。益求內附。因改封寧王於南昌。移行都司於保定。而以大寧全地與之。授都督。都指揮。指揮。千百戶。鎮撫等官。各賜勅書。每襲則更勅。有功則加陞。入貢者。以勅爲驗。自是襲陞朝貢不絕。歲以聖節及正旦。後改冬至兩貢。每貢各衛百人。由喜峰口入。

貢物

駝

馬

【東北夷】

女直古肅慎地。在混同江東開原城北。東濱海。西接兀良哈。南鄰朝鮮。爲金餘孽。永樂元年。野人頭目來朝。其後悉境歸附。九年。始設奴兒千都司。建州兀者等衛。及千百戶所。以其酋長爲都督。都指揮。指揮。千百戶。鎮撫。賜勅印。又置馬市。開原城以通貿易。蓋女直三種。居海西等處者。爲海西女直。居建州。毛憐等處者。爲建州女直。各衛所外。又有地而有站。有寨。建官。賜勅。一如三衛之制。其極東爲野人女直。野人女直去中國遠甚。朝貢不常。海西。建州。歲一遣人朝貢。

海西 建州

建州衛、建州左衛、建州右衛、毛憐衛。每衛歲許一百人。建州寄住毛憐達子歲十二人。其餘海西各衛并站所地面每處歲不過五人。其都督來朝許另帶有進貢達子十五人同來。貢道由遼東開原城。近年定海西每貢一千人。建州五百人。歲以十月初驗放入關。十二月終止。如次年正月以後到邊者。邊臣奏請得旨方准驗放。

貢物

馬

貂鼠皮

舍利孫皮

海青

兔鶻

黃鷹

阿膠

殊角象即海牙

【西戎上】

自陝西蘭州渡河千五百里。至肅州。肅州西七十里。爲嘉峪關。嘉峪關外竝稱西域。而陝西以南竝四川。抵雲南外徼。竝稱西番。西城七衛曰哈密。曰安定。曰阿端。曰赤斤蒙古。曰曲先。曰罕東。曰罕東左。皆在關西。而哈密又最西。永樂十三年遣使往諭西域。歷十有七國。其後土魯番強。占據哈密關西諸衛。皆爲所侵擾。西番地爲都指揮司二。指揮使司一。宣慰使司三。招討司六。萬戶府四。千戶所十七。又於洮河西寧

各置茶馬司以通貿易。國初令各酋長故有官職者。至京授職。俾因俗爲治。至今因之。

哈密畏兀兒附

哈密古伊吾廬地。在燉煌北大磧外。爲西域諸番往來要路。其國部落與回回、畏兀兒三種雜居。非貴族不相下。永樂二年。以封元孽安克帖木兒爲忠順王。而授其頭目馬哈麻火只等爲指揮等官。分居苦峪城。忠順王數世襲封。賜金印。誥命。領西域職貢。而三種各立都督以佐之。諸番貢使。皆由哈密譯送。成化元年。令哈密每年一貢。以八月初旬驗放入關。多不過三百人。內起送三十人赴京。九年以後。及弘治、正德間。數被土魯番驅掠。朝廷每遣大臣經畧。還其金印城池。復立酋長。然驅掠如故。嘉靖八年。定每貢不必拘三百之數。止據到數十人起送二人。前起貢回。盡數出關。後起方許入關。十一年。定五年一貢。每貢不過一百人。起送不過三十人。四十二年。定哈密、畏兀兒都督俱五年一貢。每貢三十人。起送十三人。餘畱邊聽賞。

貢物

馬

駝

玉

速來蠻石

青金石

把咱石

金剛鑽

梧桐蠟

鐵器

諸禽皮等物

安定衛

安定、韃靼別部。洪武七年，西域安定王卜煙帖木兒遣使來朝，貢鎧甲、刀劍等物。因立其酋長爲四部，各賜印。曰阿端、曰阿員、曰苦先、曰帖里而。賜卜煙帖木兒銀印，仍稱安定王。八年，設安定、阿端二衛指揮使司，分統四部。天順三年、弘治十一年，俱遣使來貢駝馬。

罕東衛 赤斤蒙古

罕東、罕東左二衛，皆在沙州。本西戎部落。洪武三十年，設以其酋長鎖南吉刺思爲指揮僉事。永樂二年，來貢。陞指揮使。赤斤蒙古，西戎月氏國。永樂二年，故韃靼丞相子塔力尼來歸，因設赤斤蒙古千戶所，以爲千戶。尋陞爲衛。塔力尼爲指揮，各賜印誥。宣德以來，朝貢不絕。嘉靖四十二年，定五年一貢，每貢三十人，起送十三人赴京，餘留邊聽賞。

貢物

馬

駝

梧桐籬

曲先衛

曲先，亦西戎部落。永樂四年，設衛。以其酋散西思爲指揮同知。正統二年，遣使朝貢。



哈烈

哈三

哈烈兒沙的蠻

哈失哈兒

哈的蘭

賽蘭

掃蘭

亦力把力又云別失八里

乜克力

把丹沙

把力黑

俺力麻

脫忽麻

察力失

幹失

卜哈刺

怕刺

失刺思

你沙兀兒

克失迷兒

帖必力思

果撒思

火壇

火占

苦先

沙六海牙

牙昔

牙兒干

戎

白

兀倫

阿速

阿端

耶思成

坤城

捨黑

擺音

克亂

西域三十八國朝貢皆經哈密其貢期或三年或五年一次起送不過三十五人哈烈洪武三十五年遣

使詔諭賜織金文綺永樂七年正統二年俱遣使來朝貢馬及玉石亦力把力洪武二十四年遣使來朝貢馬永樂四年貢玉璞等物十一年遣使諭其國十六年復入貢正統二年其王歪思遣人貢玉璞駝馬景泰天順以來入貢不絕

土魯番 火州 柳陳城

火州古車師地東七十里為柳陳城西百里為土魯番永樂七年火州遣使朝貢宣德五年火州王哈散土魯番萬戶賽因帖木兒柳陳城萬戶瓦赤刺俱遣使貢馬及玉璞其後朝貢者止稱土魯番成化九年番酋阿力侵略哈密虜王母奪金印弘治初其子阿力麻復誘殺罕慎六年又虜陝巴以金印去朝廷遣官經略絕其貢十年效順復許通貢自後叛服不常正德四年五年俱來貢嘉靖二年以後定五年一貢

貢物

馬

鑕鐵刀

金剛鑽

鐵角皮

鞍子

駝

鑕鐵鏗

梧桐簾

紅絹道布

撒袋

玉石

各色靶小刀

羚羊角

柳青撒哈刺禪衣

花手巾

撒馬兒罕

撒馬兒罕古屬賓國。洪武二十年國王帖木兒遣使朝貢。二十二年復進馬。二十四年進海青。正統中再貢馬及玉石。成化弘治中再貢獅子。嘉靖二年後定五年一貢。

貢物

馬

駝

玉石

阿思馬亦花珠

賽蘭珠

瑪瑙珠

水晶椀

番椀

珊瑚樹枝

梧桐籬

鎖服

矮納

鑲鐵刀

鑲鐵鏗

礪砂

黑樓石

眼鏡

羚羊角

銀鼠皮

鐵角皮

魯迷

嘉靖三年自甘肅入貢。後定五年一貢。每貢起送十餘人。

貢物

獅子

西牛

玉石

金剛鑽

珊瑚珠

花瓷珠

花瓷湯壺

鏗

鎖服

撒哈刺

花帳子

羚羊角

捨列孫皮

西狗皮

鐵角皮

天方國

天方古筭沖地又名西域宣德中遣使朝貢正德十二年入貢嘉靖中定五年一貢

貢物

駝

馬

玉石

瑪瑙

鑕鐵刀

鑕鐵鏗

花銅鍾

賽蘭石

礪砂

金剛鑽

馱班兒香

眼鏡

鎖服

羚羊角

鐵角皮

默德那國

卽回祖國地接天方。宣德中遣使隨天方國使臣朝貢。

### 于闐國

于闐大國在葱嶺北。永樂六年頭目打魯哇亦不刺金遣使來朝貢玉璞。

### 日落國

八荅黑商

俺都淮

亦思弗罕俱永樂中遣使朝貢

黑婁宣德七年遣使朝貢

額卽亂

哈辛俱嘉靖中  
新附入貢



# 明會典卷之一百八 禮部六十六

## 【朝貢四】

### 【西戎下】

#### 烏思藏

西番古吐番地。元時爲郡縣。洪武初。因其舊職。於是烏思藏番僧有闡教王、闡化王、輔教王、贊善王。統化番民。又有護教王、大乘法王、大寶法王。凡七王。俱賜銀印。令比歲。或間歲朝貢。成化十七年。題准。每三年一貢。各番王差人填寫原降勘合闡化、闡教、輔教三王差來人。從四川布政司比號。贊善王差來人。從陝西布政司比號。并齋有印信番本咨文。方許入貢。每貢各一百人。多不過一百五十人。大乘、大寶二法王原係遊僧。無定所。不管束番民。不給勘合。亦無進貢年例。止聽其欲來。許差僧徒十人。齋印信番本。隨同王貢。使赴京。護教王弘治以後來貢。例與輔教王同。其後入貢人數益多。隆慶三年。奏定。闡教、闡化、輔教三王、大乘、大寶二法王。俱三年一貢。每貢各一千人。內五百人全賞。在京題給五百人減賞。本膏給與於全賞內起送八人赴京。餘畱邊聽賞。護教王三年一貢。每貢七百七十五人。內三百八十七人全賞。三百八十八人減賞。於全賞內起送六人赴京。餘畱邊聽賞。

貢物

畫佛

銅佛

銅塔

舍利

各色足力麻

各色鐵力麻

各色氍毹

珊瑚

犀角

左髻

毛纓

酥油

明盞

明甲

刀

劍

長河西魚通寧遠等處雜道長官司附

洪武十六年置長河西等處軍民安撫使司。每年一貢。給與勘合。於四川比號。雅州入境。每貢止許五六  
十人。多不過一百人。方物該守關官員辨驗。申送都布按三司審實起送。後改陞宣慰司。弘治以來。人數  
漸多。嘉靖二年。題用弘治以前例。不許過一千人。隆慶三年。定三年一貢。每貢一千人內五百人全賞。五  
百人減賞。於全賞內起送八人赴京。餘畱邊聽賞。  
雜道長官司本長河西宣慰司部落。初附本司。年例進貢。每貢差僧徒百人。成化十六年。乃另行起貢。隆  
慶三年。定三年一貢。每貢三百三十六人。內一百六十八人全賞。一百六十八人減賞。於全賞內起送四



人赴京餘畱邊聽賞

貢物

畫佛

各色鐵力麻

犀角

刀

朶甘思朶甘直管  
招討司附

舍利

各色毳氍

左髻

毛纓

各色足力麻

珊瑚

明盔

洪武七年陞朶甘衛爲西安行都指揮使司給銀印十八年改朶甘思宣慰使司及萬戶府招討司東道萬戶府塔爾千戶所每年一貢給與勘合與四川比號雅州入境每貢止許五六十人多不過一百人後三年一貢每貢一百人多不過一百五十人

直管招討司本朶甘思宣慰司部落初附本司進貢襲職成化以後乃分爲二貢期人數與本司等後因人數漸多隆慶三年定俱三年一貢每貢各一千人內五百人全賞五百人減賞於全賞內起送八人赴京餘畱邊聽賞

貢物

各色足力麻

各色鐵力麻

各色氍毹

左髻

明盔

長刀

董卜韓胡別思寨安撫司加渴瓦寺附

舊每年一貢。後三年一貢。於四川比對勘合人數照朶甘思例。嘉靖二年題用弘治以前例。不許過一千人。其部落別思寨安撫司加渴瓦寺弘治以後另貢。

加渴瓦寺茂州汶川縣地方。成化六年奉勅本處住坐。隆慶三年定俱三年一貢。董卜韓胡別思寨每貢共一千七百三十五人。內八百六十七人全賞。八百六十八人減賞。於全賞內起送八人赴京。餘畱邊聽賞。加渴瓦寺每貢七百六十四人。內三百八十二人全賞。三百八十二人減賞。於全賞內起送六人赴京。餘畱邊聽賞。

貢物

各色氍毹

各色足力麻

各色鐵力麻

珊瑚

明盔

鐵甲

遮甲麻衣

白毛纓

紅毛纓

黑毛纓

黃左髻

金川寺番僧

四川威州保縣地方。舊三年一貢。每貢許一百人。多不過一百五十人。正德以來。人數漸多。隆慶三年。定每貢五百五十人。內二百七十五人全賞。二百七十五人減賞。於全賞內起送八人赴京。餘畱邊聽賞。

貢物

珊瑚

胡黃連

木香

氍毹

足力麻

左髻

毛衣

雜谷安撫司

舊三年一貢。每貢許一百人。多不過一百五十人。後人數漸多。隆慶三年。定每貢一千二百七十四人。內六百三十七人全賞。六百三十七人減賞。於全賞內起送八人赴京。餘畱邊聽賞。弘治正德中。又有新招撫上草坡克州等寺寨。附屬本司。

貢物

珊瑚

胡黃連

木香

茜草

海螺

左髻

毛衣

氍毹

足力麻

打喇兒寨

四川威州地方。正德四年。招撫奉勅爲冠帶頭目。議准三年一貢。每貢許二百五十人。隆慶三年。定一百二十五人全賞。一百二十五人減賞。於全賞內起送四人赴京。餘畱邊聽賞。

貢物

珊瑚

氍毹

達思蠻長官司

舊來朝貢。至正統十年以後止。弘治二年復來。嘉靖五年題用正德中例。以三百九十人爲正額。後漸次增多。隆慶三年定三年一貢。每貢四百三十八人。內二百一十九人全賞。二百一十九人減賞。於全賞內起送四人赴京。餘畱邊聽賞。

貢物

珊瑚

犀牛角

礪砂

木香

長寧安撫司 韓胡碣怯寺

二項番僧在四川松潘、茂州等處地方。舊每年朝貢，許三十人，多不過五十人。附近烏思藏地面者，照烏思藏例。三年一貢，每貢許二三十人，多不過五六十人。嘉靖八年，長寧以宣德中例爲請，遂准三百人爲正額。隆慶三年，定長寧安撫司三年一貢，每貢三百人。內一百五十人全賞，一百五十人減賞。於全賞內起送四人赴京，餘畱邊聽賞。韓胡碯怯列寺三年一貢，每貢一百五十人。內七十五人全賞，七十五人減賞。於全賞內起送四人赴京，餘畱邊聽賞。

貢物

珊瑚

明盔

明甲

刀

乾松

氍毹

洮岷等處番僧

每寺許四五人，每年終遇大節一次赴京朝貢。

洮岷等處番族

舊二年一貢，後三年一貢。大族起送爲首者四五人，小族起送一二人。畱邊聽賞者大族不過十五人，小族不過七八人。

貢物

銅佛

畫佛

舍利子

馬

駝

酥油

青鹽

青木香

足力麻

鐵力麻

氍毹

左髻

毛纓

明盔

明甲

腰刀

【土官】

湖廣、廣西、四川、雲南、貴州腹裏土官。遇三年朝覲，差人進貢一次。俱本布政司給文起送。限本年十二月終到京慶賀。限聖節以前。謝恩無常期。貢物不等。

洪武間朝貢土官

四川

烏蒙軍民府

烏撒軍民府

芒部軍民府

金筑安撫司後屬貴州布政司

廬山長官司後屬貴州宣慰司

募役長官司後屬貴州永寧州

大華長官司

西堡長官司後屬貴州安順州

寧谷寨長官司後屬貴州安順州

頂營長官司 後屬貴州永寧州

貴州宣慰司 後屬貴州布政司

程番長官司 後屬貴州布政司

永寧州 後屬貴州布政司

建昌衛

栢輿州

木瓜長官司 後屬貴州金安撫司

德昌府

長河西

阿昔簇長官司

祁命簇長官司

班班簇長官司

石砭宣慰司

沐川長官司

十二營長官司 後屬貴州鎮寧州

平茶洞長官司

鎮寧州 後屬貴州布政司

建安州

西陽宣撫司

黎州

普安軍民府

天全六番招討司

略匪簇長官司

阿昔洞簇長官司

者多簇長官司

泥溪長官司

平夷長官司

安順州 後屬貴州布政司

播州宣慰司

龍州 後屬貴州宣撫司

康佐長官司 後屬貴州鎮寧州

禮州

方番長官司 後屬貴州宣慰司

邛部軍民府

東川軍民府

占藏先結簇長官司

北定簇長官司

勒都簇長官司

麥匪簇長官司

雷坡長官司

蠻夷長官司

馬湖府後改設流官

岳希蓬長官司

隴木頭長官司

靜州長官司

里州

建昌府

關州

中縣

碧舍縣

會川府

武安州

永昌州

隆州

姜州

黎溪州

麻龍縣

會理州

威龍州

昌州

普濟州

廣西

龍英州

江州

龍州

思明府

陀陵縣

養利州

上下涑州

思陵州

萬承州

安平州

太平州後設太平府流官統本州及龍溪羅陽等州縣

都結州

羅陽縣

思城州

結倫州

鎮遠州

左州後改設流官

崇善縣



茗盈州

南丹州

結安州

永康縣

思同州

東蘭州

那地州

全茗州

利州

鎮安府

田州府後改田寧府設流官

泗城州

奉議州

雲南

姚安軍民府後改設流官

姚州後改設流官

元江府

廣通縣

平緬宣慰司

車里軍民宣慰司

八百宣慰司

麗江府

景東府

楚雄府後改設流官

鶴慶府後改設流官

尋甸府後改設流官

鄧川州

海東土官

賓居土官

小雲南土官

臨安府階峩縣

大理府後改設流官

湖廣

施南宣慰司

忠建安撫司

思南宣慰司後改思南府設流官屬貴州布政司

永順宣慰司

保靜宣慰司

臻部六洞黃坡等處長官司

曲靖軍民府 後改設流官屬  
雲南布政司

萬曆初朝貢土官

四川

烏蒙軍民府

烏撒軍民府

播州宣慰司

蠻夷長官司

靜州長官司

岳希蓬長官司

泥溪長官司

平夷長官司

沐川長官司

隴木頭長官司

石碓宣撫司

天全六番招討司

酉陽宣撫司

祁命簇長官司

阿昔洞簇長官司

者多簇長官司

貉匪簇長官司

北定簇長官司

勒都簇長官司

麥匪簇長官司

疊溪鬱卽二長官司

寧戎巡檢司

鎮雄府

寒水巡檢司

永寧宣撫司

永寧宣撫司九姓長官司

長寧縣下寧遠鄉萬里箐寨

阿角簇安撫司

思曩兒簇長官司

太平長官司

貴州

金筑安撫司

貴州宣慰司

程番長官司

木瓜長官司

方番長官司

廬山長官司以上係  
隸四川

清平衛魏里安撫司

養龍抵寨乖西水東西長官司

白納小平伐二長官司

青山中曹龍里劄佐四長官司

都勻府歸化上下二牌頭

臥龍小龍大龍韋番四長官司

盧番洪番金石三長官司

羅番上馬小程三長官司

平伐麻嚮貴竹三長官司

廣西

龍英州

江州

龍州

思明府

陀陵縣

上下凍州

思陵州

萬承州

安平州

太平州

羅陽縣

思城州

茗盈州

南丹州

思同州

東蘭州

那地州

全茗州

鎮安州

泗城州

奉議州

果化州

歸德州

向武州

歸順州

憑祥州

都康州

田州

雲南

麗江府

湖廣

永順宣慰司

保靖宣慰司

桑植安撫司

添平千戶所

凡土官差人到京。鴻臚寺卽與引見。并投進實封奏本。其方物赴禮部驗進。○嘉靖元年議准。聖節止許各宣慰宣撫安撫官具方物。差人赴京。其餘佐貳官以下。及把事頭目。護印舍人。止許朝覲。年入貢。每司量起的。當通把三二人。齎執方物。多者給與本册咨批。少者給與咨批。各給關文。應付馬匹。就彼變賣銀兩貯庫。降香黃蠟茶葉等物。要實重五十五斤爲一杠。每杠賞闔生絹二疋。照杠遞加。其不由本布政司起送。或斤重不足。差人過多。不待朝覲之年。擅自起貢。禮部不與進收。責諭遣回。賞賜應付。通行停止。○

二年議准前數項及過限一月俱屬違例止減半給賞若違例多端者不賞○七年議准湖廣土官襲授宣慰宣撫安撫職事者差人慶賀每司不許過三人其三年朝覲每司止許二人大約各司共不過百人起送到京者不過二十人餘俱存留本布政司聽賞所司辨驗方物造冊給批差官伴押到京禮部驗批相同方與賞賜應付

貢物

馬

象

犀角

孔雀尾

象牙

象鈎

象鞍

象腳盤

蝮蛇膽

金銀器皿

青紅寶石

玉石

圍帳

金絨索

各色絨綿

各色布手巾

花藤席

降香

黃蠟

檳榔

【朝貢通例】

凡朝貢方物洪武二十六年定凡諸番國及四夷土官人等或三年一朝或每年朝貢者所貢之物會同

館呈報到部。主客部官赴館點檢見數。遇有表箋。移付儀部。其方物。分豁進貢上位若干。殿下若干。開寫奏本。發落人夫管領。先具手本。關領內府勘合。依數填寫。及開報門單。子次日早朝。照進內府。或於奉天門。或奉天殿丹陛。或華蓋殿。及文華殿前。陳設本部正官奏啓進納。若遇慶賀聖節。正旦。貢獻之物。初到。卽以數目具本奏聞。物候至日。通進內府。陳設交收。○凡進馬羸。到於會同館。卽令典牧所差醫獸辨驗兒騾。及毛色齒歲明白。備寫手本交收。及令本館放支草料喂養。仍撥人夫管領。至期進內府。行刻于丹墀東。伺候御前牽過。同手本交付御馬監官收領。○凡進象駝。到於會同館。令本館喂飼。次日早進內府。御前奏進。如候聖節。正旦。冬至。陳設進收。日遠。先行奏聞。象送馴象所。駝送御馬監收養。至期令進內府。陳設。○凡進虎豹禽鳥之類。到於會同館。就令畜養之人喂養。具數奏聞。送所司收領。至期進內府。丹墀內陳設。○凡進金銀器皿珍寶段疋之類。須同貢獻之人。驗視明白。具寫奏本。仍以器具裝盛。或黃袱封裹。分撥館夫。一同貢獻之人收館。先期一日。關填勘合。開報門單。次日早照進內府。于殿前丹陛等處陳設。一一交付長隨內使收受。○凡進蘇木胡椒香蠟藥材等物。萬數以上者。船至福建廣東等處。所在布政司隨卽會同都司按察司官。檢視物貨。封儲完密聽候。先將番使起送赴京。呈報數目。除國王進貢外。番使人伴附搭買賣貨物。官給價鈔收買。然後布政司仍同各衙門官。將貨稱盤見數。分豁原報。附餘數目。差人起解前來。禮部委官及行戶部都察院委官會同差督人夫運進承運等庫。稱盤入庫。禮部先

期開寫各庫該收貨物手本于午門關領各門勘合填寫照進并出給長單令該庫批寫實收數目回部備照○後續定凡外國朝貢惟朝鮮國所進方物陳設奏進其餘俱該司驗過具題得旨開具手本送右順門即歸極門內府各該衙門交收今朝鮮國貢物亦不陳設止○凡進馬惟朝鮮國先行面奏引過御馬監交收其餘俱該司驗過送鴻臚寺隨本引進遇慶賀禮部先行請旨行御馬監至期陳設今朝鮮國進馬亦不面奏止具題送御馬監交收○凡進象駝虎豹禽鳥之類俱不陳設惟具題送內府各衙門交收凡進到獅象禮部題請量置原來伴送四人與同馴象所軍奴到于御馬監調養待後馴習發回光祿寺日給養贍仍行兵部給與牌面懸帶以便西安門出人○凡安南國進金銀器皿之類引奏進獻其餘俱具題送歸極門交收○凡進藥材等物徑從禮部具題送歸極門交收蘇木胡椒硫黃近多解南京禮部交收○凡各處夷人貢到方物例不給價朝鮮國常貢馬匹亦不給價

凡勘合號簿洪武十六年始給暹羅國以後漸及諸國每國勘合二百道號簿四扇如暹羅國暹字號勘合一百道及暹羅字號底簿各一扇俱送內府羅字勘合一百道及暹字號簿一扇發本國收填羅字號簿一扇發廣東布政司收比餘國亦如之每改元則更造換給

### 計有勘合國分

暹羅

日本

占城

瓜哇

滿刺加

真臘

蘇祿國東王

蘇祿國西王

蘇祿國峒王

柯支

淳泥

錫蘭山

古里

蘇門答刺

古麻刺

凡信符金牌。永樂二年始置。以給雲南徼外土官。其制銅鑄信符五面。內陰文者一面。上有文行忠信四字。與四面合編某字一號。至一百號。批文勘合底簿。其字號如車里。以車字爲號。緬甸。以緬字爲號。陰文信符勘合。俱付土官。底簿付雲南布政司。其陽文信符四面及批文一百道。藏之內府。凡朝廷遣使。則齋陽文信符及批文各一。至布政司比同底簿。方遣人送使者以往。土官比同陰文信符及勘合。卽如命奉行。信符之發。一次以文字號。二次行字。次忠。次信。周而復始。又置紅牌。鏤金字。勅書諭之。凡有調發及當辦諸事。須憑信符乃行。如越次及比字號不同。或有信符而無批文。有批文而無信符者。卽是詐僞。許擒之。赴京治以死罪。又編勘合一百道。付各衙門勘合。底簿一扇。付布政司。凡有軍民疾苦及奉信符辦過事務。進貢方物之類。俱于勘合內填寫。遣人齋至布政司。比號寫底簿。布政司都司。遣官同齋所填勘合奏聞。若邊境聲息及土人詞訟。從都司布政司按察司官會同計議行之。其事已行。及承行原由。竝填寫勘合奏聞。如總兵官鎮守。遇有前事。總兵官亦會三司計議。仍用都司或布政司印信文書寫總兵官處。



分之語。方許奉行。亦填寫勘合具奏。若朝廷命總兵官掛將軍印征討。調遣軍馬。不待三司文移。卽時發遣。亦填寫勘合。差人奏聞。填寫勘合。或字畫錯誤。明白圈註。以本司印信鈐蓋。凡所收底簿。及勘合用之將盡。具奏。再頒遇改元。則更造。換給舊簿。勘合隨貢。繳部貯庫。或總兵官都司布政司等官。新除官到任。及遇時節。不許齋禮物相慶。仍以紙寫禁約一道付之。或有貪婪無藉。凌害者。不待填寫勘合。止具本遣人齋勅。不經總兵官及三司。徑赴京陳奏。治以重罪。

計有勅符勘合土官衙門

車里木邦、緬甸、麓川、平緬、八百大甸、老過六宣慰司。

干崖、大候、里馬、茶馬四長官司。

潞江安撫司。

孟良、孟定、灣甸、鎮康等府。

其後又有孟養等宣慰司、威遠等州。亦給勘合。

凡番夷誥勅。初哈密等七衛俱有。如朶顏海西諸衛例。後乃沒於土魯番。而烏思藏、長河西等處。闡教、闡化、輔教、贊善、護教、五王、大乘、大寶、二法王。各處國師。俱誥命禪師勅命。都綱刺麻都指揮指揮等。俱勅諭。其闡教、闡化、輔教、贊善。仍給勘合。護教自稱原有勘合。燬於火。累年請給。未與。二法王及長河西朶甘思。

董卜韓胡俱不給勘合。其金川雜谷等處止齋印信番文亦無勘合。○嘉靖二十八年題准各處番僧到京襲職進貢禮部置立文簿一扇將各僧齋到舊給誥勅所載師僧職名頒給年月及見今襲替僧徒名字住坐地方分別已未領有新誥新勅逐一登記備行布政司照式置造以後如遇應貢年分將文冊查對如係年代久遠果有退老病故情節方許照例起送承襲其有已襲而未領新誥勅者照已賞未襲職例許起送一二人如有捏作入番化夷在番病故者不許濫放如違聽本部通將三司等官參究治罪各番應領誥勅新者既給與舊者卽令銷繳其新給誥勅俱要開載住坐地方如隨護教王進貢襲職者卽稱係護教王地方住坐某師某名其餘地方准此。

計有誥勅夷人番僧

朶顏衛

福餘衛

泰寧衛

海西女直

建州女直

烏思藏

長河西等處

凡夷人入關嘉靖十二年令邊方一應該管官員務要盤驗明白方許放進若勅書內有洗改詐僞字樣卽便省諭阻回不許一槩朦朧驗放。

凡夷人番本嘉靖二十六年題准該邊官審明封進若於理法不通卽省諭退還不必瀆奏到京後如有

番本不係邊官封奏者不與准理。

凡夷使往回嘉靖二十六年今經該巡撫衙門給與印信文簿事畢回還者禮部給與印信文簿令所過驛遞將夷使名數并應付馬驢車輛廩給口糧各數目初到及起身各日時逐一登記就用本驛遞條記鈐蓋仍付伴送人員齎往前路驛遞一體填寫事完之日伴送人員將前簿在內送本部在邊送巡撫衙門稽考禮部仍咨各該巡撫凡伴送夷人務選平昔畏法諳熟夷情者差遣不得濫委擾害地方。

凡譯待夷使成化問題准迤北小王子來貢禮部差該司官一員前往大同會同鎮巡等官將差來使臣逐一譯審分豁使臣若干隨來男婦若干赴京若干存留若干使臣自進并帶進某項目下馬羸方物皮張數目俱要辨別毛齒等第編成字號填寫勘合用印鈐蓋給付各使臣收照仍著落山西行都司備造黃冊奏繳青冊先行送部以憑給賞其在彼茶飯并沿途供應及榆河驛湯飯一聽本官提督。

凡貢夷限制成化十九年題准烏思藏長河西朶甘思等處國師禪師在本地地方住坐者與各寺寨輪流進貢輓滿每年百人之數不許各另差人如有退老事故許令的親兒徒因襲職赴京進貢國師起送一百人禪師都指揮五十人已賞未襲者再來襲職止許一二人其都綱指揮以下來襲者止本身隨同年例貢使赴京○二十一年奏准各處招撫生番進貢行本處鎮巡等官止許寨首一人前來如五寨五人十寨十人不許過多○嘉靖二十六年題准撒馬兒罕并土魯番天方國魯迷額卽卍等朝貢查照舊例。

每十人起送二人。扣該起送赴京五十人。其存留甘肅聽賞者。除舊二百名外。量增一百名。各給口糧。照應貢人數減半給賞。餘俱阻回。自進并帶進馬匹合例者。聽候領賞。其該退還而先已給軍給驛者。量給價銀。今後所進方物。該邊官看驗。果係堪中物件。方與收載册內。除正例外。多餘者悉退還各夷。聽其貨賣。預先省諭各夷。不許將退還之物。仍帶來京捏稱自進。加進名色奏擾希賞。○二十八年題准。都綱刺麻指揮人等。亦准帶二十五人。○隆慶三年議准。國師、禪師、都指揮等襲職差人。總在年例數內。不許另外增加。襲職之後。亦不許假以謝恩。差人另貢方物。各地方遇番僧進貢。務將各番所齋原給誥勅勘合。及印信番本。逐一查驗明白。果無冒僞影射情弊。方許具本起送。各番地方。遠近不齊。貢期不必拘以三年。但未及三年。不許來貢。不願者不強。○凡諸番貢不如期。及年例外多貢者。參作下次例貢之數。凡夷使病故。如係陪臣未到京者。本部題請翰林院撰祭文。所在布政司備祭品。遣本司堂上官致祭。仍置地營葬。立石封識。到京病故者。行順天府給棺。祠祭司諭祭。兵部應付車輛人夫。各該賞衣服綵段。俱付回來使臣領回頒給。○嘉靖八年題准。在館未經領賞病故者。行順天府轉行宛大二縣。預解無碍官銀三十兩發館。每名給與棺木銀五錢。支盡之日。造册繳部。再行取用。領賞以後病故者。聽其自行葬埋。凡投降夷人到館。譯審明白。兵部題請到部關給來降賞賜。畢日。著去該都督府。差委官舍伴送兩廣軍門。轉發缺少。達目衛分安插。仍給房屋牀榻。配與妻室。查照舊例養贍。

凡朝鮮國漂流夷人。至會同館。卽行該館通事序班譯審明白。日給薪米養贍。兵部委官伴送。沿途應付。至遼東鎮巡衙門。另差人員轉送歸國。通行國王知會。如該國使臣在館卽令帶回。一體給賞應付。凡差官伴送。嘉靖二十七年題准。兵部立與批限候回京之日。查違限久近。一年之外。武官調衛。文官罷職不敘。沿途生事。殘害居民者。許所在官司開申撫按轉達本部參送問罪。

凡交通禁令各處夷人朝貢領賞之後。許於會同館開市三日或五日。惟朝鮮琉球不拘期限。俱主客司出給告示於館門首張掛。禁戢收買史書及玄黃紫皂大花西番蓮段疋并一應違禁器物。各舖行人等將物入館。兩平交易。染作布絹等項。立限交還。如賒買及故意拖延。騙勒夷人久候不得起程。并私相交易者。問罪。仍於館前枷號一箇月。若各夷故違。潛入人家交易者。私貨入官。未給賞者。量爲遞減。通行守邊官員。不許將會違犯夷人。起送赴京。○凡會同館內外四鄰軍民人等。代替夷人收買違禁貨物者。問罪。枷號一箇月。發邊衛充軍。○弘治十一年令。迤北小王子等。使人朝貢。赴京官員軍民人等交易。止許光素紵絲絹布衣服等件。不許將一應兵器。并違禁銅鐵等物。有違犯者。處以極刑。○又奏准。私將應禁軍器賣與夷人圖利者。比依將軍器出境。因而走泄事情者律。各斬爲首者。仍梟首示衆。○又令。在京在外軍民人等。與朝貢夷人私通往來。投託管顧。撥置害人。因而透漏事情者。俱問發邊衛充軍。軍職有犯。調邊衛帶俸差操。通事并伴送人等。係軍職者。照軍職例。係文職有賊者。革職爲民。○十三年奏准。甘

肅西寧等處。遇有番夷到來。本都司委官關防提督。聽與軍民人等。兩平交易。若勢豪之家。主使弟男子姪家人頭目人等。將夷人好馬奇貨包收。逼令減價。以賤易貴。及將羸重貨物。并瘦損頭畜拘收。取覓用錢方許買賣者。聽使之人。問發附近衛分充軍。干碍勢豪及委官知而不舉。通同分利者。參問治罪。○嘉靖三年。奏准。夷人貢船。未曾報官盤驗。先行接買番貨者。比照私自下海收買番貨。至十斤以上事例。邊衛充軍。其交結夷人。誑騙惹釁。及教誘爲亂者。比照川、廣、雲、貴、陝西等處事例。邊衛永遠充軍。一應代替夷人收買違禁貨物者。比照會同館內外軍民事例發遣。包攬打造違式海船。賣與夷人圖利者。比照私賣應禁軍器事例處斷。○二十六年。題准。西域各地面退還貨物。其在邊開市之處。差委的當官員。嚴行盤察。不得與漢人交通。別生事端。○隆慶三年。議准。西番烏思藏等處。若有近邊奸民。出外勾引。希圖冒賞者。聽撫按等衙門訪拏。治以交通外夷重罪。凡貢回定限。萬曆七年。議准。分爲三等。朝鮮國。朶顏等衛。女直。限一箇月零十日。安南。琉球。暹羅各國。陝西大崇教。大能仁。崇隆。慧濟。扯巴等寺。岷洮及莊浪等處。四川金川寺。加渴瓦寺。長河西雜谷。長寧達思蠻等處。各番僧番族。限一箇月零二十日。四川烏思藏番。王董卜韓胡。番僧寨官人等。陝西贊善王。弘化淨寧等寺番僧。土魯番天方國。魯迷。哈密等夷。罕東等衛。限兩箇月。

# 明會典卷之一百九 禮部六十七

## 【賓客】

### 【會同館】

舊設南北兩會同館。接待番夷使客。遇有各處貢夷到京。主客司員外郎、主事、輪赴會同館。點視方物。護防出入。貢夷去。復回部視事。弘治五年。各夷來貢者衆。始添設提督會同館。主事一員。專一在館提督事務。

凡貢使至館。洪武二十六年定。凡四夷歸化人員。及朝貢使客。初至會同館。主客部官隨卽到彼點視。正從。定其高下。房舍鋪陳。一切處分安妥。仍加撫綏。使知朝廷恩澤。○一下程。分豁正從人數。割付膳部。五日一次。照例支送酒肉茶麪飲食之物。○一管待。量其來人重輕。合與茶飯者。定擬食品。卓數割付膳部造辦。主客部官一員。或主席。或分左右。隨其高下序坐。以禮管待。仍令教坊司供應。

凡番王至京。洪武二年。令禮部官於會同館禮待。永樂以後。四夷來朝貢者。欽命。中官與文武大臣。或學士等官待宴。不拘員數。成化初。北虜、東夷、西番。以武職大臣待。朝鮮、安南、日本等國。并土官。以禮部官待。○嘉靖三十九年。朝鮮國陪臣到京。禮部題請待宴官。命禮部尙書待。又泰寧等夷人頭目。命總督戎政。

勳臣待。自後夷使到京。俱照例。

凡會同館醫生遇四夷及伴送人等有疾。卽與醫藥。年終具用藥若干。活人若干。開送提督主事處核實呈部。以稽勤惰。考滿陞授。仍留本館辦事。其藥材太醫院關給。

凡兩館事務夾役。嘉靖十年。令俱屬提督官管理。兵部該司不許侵撓干預。其大使等官及別衙門。敢有占用夫役及脫逃負欠情弊。都聽提督官查究。

【各國通事】

洪武永樂以來。設立御前答應大通事。有都督。都指揮。指揮等官。統屬一十八處。小通事總理來貢四夷。并來降夷人。及走回人口。凡有一應夷情譯審奏聞。嘉靖初。革去大通事。其小通事悉屬提督官。凡在館。鈐束夷人入朝引領。回還伴送。皆通事專職。

凡通事額員。成化五年奏定。小通事額數。總不過六十名。遇有病故。及爲事等項。革去職役者。照缺選補。若事繁去處。丁憂有過三名者。量補一名。

計四夷一十八處額設通事六十員名

朝鮮國五員名

日本國四員名

琉球國二員名

安南國二員名



眞臘國一員名成化二十年添一名後以空閒俱不補

暹羅國三員名

占城國三員名

爪哇國二員名後俱不補

蘇門答刺國一員名後不補

滿刺加國一員名

達達七員名成化十九年添一名

回回七員名成化十九年添一名

女直七員名成化十九年添二名

畏兀兒二員名

西番五員名成化十九年添一名

河西一員名成化二十年添一名後俱不補

緬甸一員名後不補

雲南百夷等處六員名

凡食糧資格成化七年奏准通事戴頭巾三年滿日送部考中頂補正缺者准支米添設者雖經考中仍作不支米辦事待有正缺方許支米○十八年定通事辦事三年滿日本部考中支米又辦事三年滿日考中送吏部冠帶又三年滿日考中實授序班欠通者許習學半年再考○弘治六年申明內外添設待缺通事雖滿三年六年考中不許支米其滿九年未得食糧者准其食糧協同辦事○九年奏准通事食糧辦事三年滿日考送吏部冠帶如夷語欠通及有過名誤事者徑發原籍爲民凡收充候缺弘治八年奏准各國世業并土官土人子孫情愿告充候缺通事或邊方訪保生儒人等該本部考得夷語精通勤無詐冒者劄送鴻臚寺收充候缺通事土官土人子孫給與養贍食米一石極邊

訪保者給食米五斗。通候有缺之日再考題補。其出身資格仍照舊例。○凡各處歸順土官子孫告充通事補缺三年。奏准加與冠帶辦事。仍候三年考滿銓選。○嘉靖二十九年題准。通事遇有各館正額名缺。將候缺通事查係類考居一等。方與照依到館名次挨補。其考居二等及季考雖居一等者。不許槩稱到館在先。援比求進。

凡訪保成化十八年奏准。各國通事止一名者。訪保一名。不支米辦事。○嘉靖元年奏准。通事丁憂緣事未結。俱不作缺。其有見缺十人以上。及一國全缺者。照舊行各邊鎮巡官訪保精通夷語。身家無過。人物齊整。字畫端楷。語音洪亮者。每缺起送一人前來補考。○十九年議准。通事見缺。訪保送部收考。轉送該寺教習者。俱不得過正額之半。若本國正額止一名者。許收候缺一名。凡遇候缺既盡。正額有缺。許鴻臚寺呈部奏請訪保。照例考滿。不必拘見缺十人。及一國全缺之例。

凡考試教習。嘉靖二十五年題准。禮部會同吏部將在館通事序班人員。通行考試。分爲三等題請。一等照舊在館供事。二等量加罰治。姑容習學。三等黜退爲民。其未經授職通事人等。本部仍各選委年深通事序班。題請照舊教習。每日書寫番漢字語一張。每月朔望責令該館序班考校。月終提督主事考校。季終本部通將各館官員通事人等。參錯出題。嚴加考校。如一年三次考居三等。通事人等。本部即時量責。序班等官。年終類題罰治。以後通事食糧冠帶授職等項。仍各案候。俱以三、六、九年爲期。通將各館官員

人等一併嚴加隔別考試。其夷語通曉者，許照例遷轉留用。不通者，徑自黜退爲民。不許照常扣日。揆資求進。○二十八年題准，各館中掄選年深通事、曉夷語者一人，立爲教師。不分有無夷人，每日黎明時，進館督率各該通事人等演說夷語。中有未能盡曉者，遇有該邊原來伴送通事，許令教師詢訪，務求通曉音字。如三年之中，教習有效，候扣考之時，具名奏請擢用。本部仍置卯簿一扇，行令提督主事，每五日令各館官生畫卯。如有不到者，明書于各名之下。每月朔望，教師引領生徒，將所習音字，抽試數字。夷語演說一遍，季終提督官將卯簿封呈本部，以憑季考。兼論其勤怠，歲終備開考語封呈本部，以待三年通考。其廉污、季考及三年通考之時，必合字與音相兼考校。

凡考滿，成化十八年奏准，通事序班等官三、六、九年滿，俱禮部考過夷語精熟，查訪無過量出考語，咨送吏部。六年考察京官之期，亦從本部查訪，滿開揭帖，徑送考功司。○嘉靖二十六年奏准，通事官生三、六、九年考滿，該鴻臚寺起送到部者，查無違礙，仍舊取官對考。如果夷語精通，准令給由。若夷語欠熟，發回習學。候三箇月再考，又不稱者，徑自黜退爲民。○萬曆四年奏准，通事序班官給由，或遇公差，或發回習學補考，或候對考官，每遇季終，不拘人數多寡，禮部查明類考，咨送吏部。其緣前各項，不能盡如俸滿之期者，須明註咨內。

凡出差，弘治九年奏准，通事出差，違限半年，照例送問。雖有公文，不與准理。違限一年，及養病服闋，二年

之上作缺。待其到京。俱令守缺。不許作協同辦事名色。○十一年奏准。南方海外諸國。不必差官送還。如果原來通事。別有事故。夷人奏討不已者。禮部奏請定奪。○嘉靖二十九年題准。番僧貢回。差通事序班。給批定限。送至四川巡撫衙門交割。止許在省守候批文。不許跟同前去。○三十三年題准。暹羅國使臣。告稱驛遞刁難。差通事序班。給批定限。送至福建布政司交割。○三十八年題准。女直夷人貢回。還差通事序班。押送出境。○四十三年題准。通事故縱夷人。詐害驛遞。改行兵部差指揮等官伴送。○萬曆四年。題准。兵部差官。不諳夷語。致各夷沿途生事益甚。仍差通事序班押送。但有不自檢飭。不能鈴束夷人。許所在官司。申呈參革。凡通事違犯。成化十九年題准。通事有犯贓私。照吏典例。○弘治九年奏准。各國戴頭巾通事。不許遇例上納糧草。及一應經商買賣。曠廢職業。違者參問革役。○嘉靖十七年奏准。在館通事序班。辦歷勤謹。夷語精熟者。該寺具奏。量加俸秩。如有恣肆曠廢。唆誘夷人爲非。受賄作弊。抗違該司提督官者。俱聽禮部指名參究。○二十九年題准。通事分撥各館之後。不許夤緣告改別館。違者本部參究。○三十年題准。通事今後有患病。至一年。給假違限。至六箇月。託病不考。至三次。及不赴畫卯。至三箇月者。官聽本部參革冠帶。通事以下。聽本部徑自查革。○萬曆七年議准。各館通事伴員役。指稱引領交易。替代使用名色。科斂貢夷財物者。禮部悉心體訪。責令提督主事。不時呈報。輕則徑自處治。重則具奏論罪。

# 明會典卷之一百十 禮部六十八

## 【給賜一】

### 【在京官員人等】【公差附】

#### 登極

凡皇帝登極。賜在京文武羣臣及軍民人等。銀絹布鈔。宣德十年。公。銀六十兩。侯。伯。駙馬。五十兩。一品。二品。四十兩。三品。二十兩。四品。至五品。遞減五兩。六品。至八品。遞減二兩。九品。四兩。雜職。三兩。故侯伯之家。及未承襲者。各十兩。將軍。校尉。軍匠人等。各二兩。優給幼官。并紀錄幼軍。各照本等例減半。辦事官。監生。生員。人材。吏典。陰陽。醫士。樂人。各絹一疋。在京廂民工匠。廚役。僧。道人等。各布一疋。營造山陵軍人。鈔一百貫。乾魚三斤。聽選公差。及四夷朝貢人員。各賜鈔有差。○弘治十八年。公。侯。駙馬。伯。銀二十兩。一品。二品。十五兩。三品。十兩。四品。八兩。五品。六兩。六品。七品。五兩。八品。九品。四兩。雜職。三兩。操備及營操官員。皆同。故侯伯之家。及未承襲者。各五兩。優給幼官及鰥。寡。老。疾軍官。一品。二品。銀六兩。三品。四兩。四品。五品。三兩。六品以下。二兩。雜職。一兩。優養軍官。母妻。見存者。各銀二兩。將軍。旗校。軍匠。馴象。養馬人等。及操備等項旗軍。各銀二兩。紀錄幼軍。各銀一兩。辦事官。監生。生員。天文生。樂舞生。醫生。各絹一疋。在京吏典。知

印承差坊廂里老民匠廚役樂人各布一疋。聽選公差官員人等各賜鈔有差。○正德十六年公侯駙馬伯銀三十兩一品二品二十五兩三品十五兩四品十二兩五品及七品遞減二兩八品九品四兩雜職三兩優給幼官及鰥寡老疾軍官一品二品銀八兩三品五兩四品四兩五品三兩六品以下二兩雜職一兩故侯伯家及優養軍官母妻以下俱准弘治十八年例會試中式舉人各絹一疋。○隆慶元年公侯駙馬伯紵絲四表裏文官一品至九品各給與應得誥勅先已給領者與進應得勅階一等品同職銜不同者照見任改給署職者與實授試御史試中書候實授庶吉士候授官之日各補給其有願移封者聽若先已移封今給與本等誥勅武官一品二品三表裏三品二表裏四品一表裏五品六品各紵絲一疋雜職絹一疋試鎮撫百戶各絹四疋史館官生禮部鑄印局儒士順天府學生四夷館譯字生錦衣衛聽差并營操舍人欽天監天文生太常寺樂舞生太醫院醫士武學官生每名絹一疋優給優養官一品二品銀五兩三品四兩四品五品三兩六品以下二兩優養軍官母妻每日銀二兩將軍旗校力士軍匠馴象養馬及操備等項旗軍勇士并營操家丁每名銀二兩紀錄旗校力士幼軍每名銀一兩修理山陵官軍官照前給與表裏絹疋軍每名二兩其已支領者不許重支各衙門歷事監生正歷免二箇月雜歷免一箇月長差三箇月見在監者先造冊送吏部候撥歷到部之日照數減免各衙門辦事官免辦一箇月知印并各當該吏三箇月承差并辦事吏二箇月周歲辦事吏一箇月罰班官吏每一年減一箇月其見

在聽撥當該辦事者。吏部各造冊。案候著役之日。照數減免。陰陽人。醫生。順天府坊廂里老。各衙門民匠。及廚子樂工。每名綿布一疋。各邊軍。每名銀二兩。差官往各鎮頒給。六年賞如元年例。內增雜職。并太常寺冠帶協律郎等官。每員絹二疋。東宮帶刀舍人賞同。東宮各衛侍衛。舍人應襲。并書寫應舍。每名絹一疋。翰林院習字生員。三大營侯伯應襲舍人。及內官監冠帶匠役賞同。織染局種藍軍匠。每名銀一兩。

### 纂修

凡修實錄。永樂元年。賜監修官銀一百兩。緜幣六表裏。織金紗衣一套。鞍馬一副。總裁官銀八十兩。緜幣五表裏。織金紗衣一套。鞍馬一副。纂修官銀五十兩。緜幣四表裏。紗衣一套。催纂兼謄寫官銀三十兩。緜幣二表裏。紗衣一套。催纂官銀二十五兩。緜幣二表裏。紗衣一套。謄寫監生。生員。儒士。各銀十兩。鈔三十錠。緜幣一表裏。謄寫吏。各銀八兩。鈔三十錠。緜幣一表裏。催督謄寫官。鈔二十錠。絹二疋。辦事吏。各鈔二十錠。絹一疋。○弘治四年。賜監修官。總裁官。各銀八十兩。緜幣四表裏。羅衣一套。鞍馬一副。副總裁官。銀八十兩。緜幣四表裏。羅衣一套。纂修官。銀三十兩。緜幣四表裏。羅衣一套。催纂官。銀二十兩。緜幣二表裏。羅衣一套。謄錄官。銀十五兩。緜幣二表裏。羅衣一套。收掌文籍官。銀十兩。緜幣二表裏。謄錄監生。銀五兩。緜幣一表裏。辦事吏。典。鈔二十錠。絹一疋。各色人匠。鈔二十錠。布一疋。官陞擢事故。去任。及監生事故。去者。久近不一。賞賚有差。○嘉靖四年。賞如弘治四年例。惟纂修官。收掌文籍官。各減一表裏。續添謄錄官。

賞如監生。○萬曆二年。賞如嘉靖四年例。其羅衣一套。折衣羅三疋。收掌官。賞銀十五兩。綵幣二表裏。折衣羅三疋。史館。膳錄官。銀十兩。綵幣一表裏。譯字官。生員。賞如監生。史館。官吏。及校尉。賞如辦事吏典。貼寫官吏。賞如各色人匠。○五年。增稽考參對官。內侍郎。賞如纂修官。修撰等官。賞如收掌官。

凡修玉牒。萬曆四年。賜內閣。元輔。銀四十兩。大紅紵絲四表裏。新鈔五千貫。次輔。各銀三十兩。大紅紵絲三表裏。新鈔三千貫。修校官。各銀二十兩。大紅紵絲一表裏。新鈔二千貫。查對官。銀十一兩。膳錄官。各銀十兩。俱大紅紵絲一表裏。新鈔一千貫。

經筵

凡經筵初開。知經筵。同知經筵。并侍班官。各賜銀五十兩。綵幣四表裏。鈔五千貫。通政。大理。侍班官。并講書官。各銀三十兩。綵幣二表裏。鈔三千貫。展書官。各銀二十兩。綵幣一表裏。侍儀。并寫講章官。各銀十兩。紵絲一表裏。俱鈔一千貫。大漢將軍。各絹一疋。仍特賜閣臣蟒衣一襲。日講官。各大紅織金羅衣一襲。或冠帶無常。

視學

成化元年。駕幸太學。後三日。賜襲封衍聖公。大紅織金麒麟紵絲衣一套。犀帶一條。紗帽一頂。顏孟二博士。青織金雲鷺紵絲衣一套。玳瑁帶一條。紗帽一頂。三氏族人。俱素紵絲衣一套。講官。祭酒。司業。各照官



品。大紅織金紵絲衣一套。羅衣一套。監丞以下各青織金紵絲衣一套。監生鈔各五錠。吏典二錠。後俱如例。

### 耕耜

弘治元年。賜終畝農人各布一疋。萬曆八年。賜三公九卿紵絲一表裏。牽牛老人六名。各布二疋。從耕老人三十六名。各布一疋。教坊司官五員。各銀一兩。念禾詞官人二十二員名。各銀五錢。執旗俳色長三百一十三名。各銀三錢。

### 大閱造閱營操附

隆慶三年。大閱前三日。賞軍士銀每名三錢。閱射分四等。其一等。馬步箭全中者。官賞銀十兩。銀牌一面。紵絲二疋。折銀五兩。內平日無過有薦者。仍紀錄超用。軍賞銀一兩。紅布二疋。折銀一兩。馬全中。步中四五箭者。官賞銀五兩。銀牌一面。色段二疋。折銀三兩。內無過者。亦紀錄敘用。軍賞銀一兩。紅布一疋。折銀三錢。馬步二箭至三箭者。官賞銀三兩。銀牌一面。色紗一疋。折銀一兩。軍賞銀一兩。二等。馬二箭。三箭。步一箭者。官賞銀一兩五錢。銀牌一面。軍賞銀四錢。其三等。馬中而步不中。或步中而馬不中。官准策勵供職。軍免責治。若馬不中。步中三四箭以上者。賞如二等。其四等。馬步俱不中。公侯伯罰住祿米三箇月。錦衣衛并各衛願射官。罰俸三箇月。營中將領等官。罰俸半年。內有過者。革任。軍照例決打。若係教師家丁。

仍革支月糧一石。軍士放火器、舞刀、鎗、鈎、鏟，亦分四等賞罰。頒賞之日，仍賞總協戎政大臣各銀二十兩，紵絲三表裏，巡視京營科道各銀十兩，一表裏。

凡遣官閱視團營官軍，嘉靖二年令馬步中箭一等者，俱賞鈔三百貫，劣等罰俸。凡團營操演步射火銃，俱懸銀牌，每一面三錢，中卽賞之。

冊立東宮

弘治五年，文武官各分五等：一等賜紵絲二表裏，二等至四等一表裏，五等紗一疋。南京同公差等項官亦同。京衛、外衛見操官軍及侍衛帶刀直宿、錦衣府軍等衛御馬監，并武驤左等四衛官舍將軍、旗軍勇士、午門等門，并正陽等九門官軍，各銀一兩，錦衣等衛所官各絹一疋，力士、旗校、軍奴，并監局軍匠各米一石，內府軍廚、民匠、太常、光祿寺廚役各米七斗。

節令時鮮附

洪武十六年令在京文武官吏人等，正旦、元宵節錢支與胡椒斤兩不等。○十七年令冬至節錢支鈔不  
等。○二十二年重定賞例，公、侯、伯鈔十錠，武職一品二品七錠，三品至八品五錠，文職二品至六品六錠，七品至九品三錠，未入流官二錠，監生一錠，排色長一錠，樂工二貫，樂舞生二貫，各寺首座住持一錠，衆僧一貫。○二十六年令聖節在京官吏監生軍民僧道竝賜鈔。近例惟閣臣及日講官或特賜銀幣有差。○永樂二十二年令

皇親遇節令。照例賜鈔。若大臣不預宴。公、侯、伯、都督、尙書賜鈔一千貫。侍郎五百貫。宣德、正統以後。遇節令。文武官及外夷人員并國師以下。除有宴外。其餘官吏人等。俱照例關支節錢。官并監生鈔一錠。儒士知印、吏典、僧道、樂工二貫。若奉旨免宴。關與節錢大小官員各鈔一錠。遂爲定例。○嘉靖七年。賜文武官制錢當鈔。公、侯并一品二百文。內閣、衍聖公、張真人同二品。三品一百文。四品至六品九十文。七品至九品七十文。其餘及朝覲官吏錢鈔中半。鈔一貫。折錢二十一文。凡端午節。文武百官俱賜扇。并五綵壽絲縷。大臣及日講經筵官。或別賜牙邊扇。并綵繖、艾虎等物。各以品級爲等。嘉靖中內閣輔臣。吏、禮二部尙書。及日講官講衍義官。又別賜川扇。有差。凡各處歲進時鮮。如鱒魚、筍、藕、枇杷、楊梅之類。賜文武大臣。及日講官。各以品級爲等。

### 慶賀

凡各王府差來進表箋人員。每人賜盤纏鈔一錠。南京并在外三司官。及諸司差來人員。各五錠。各王府差來進禮物人員。二十錠。其王府內外官員。每員內府別給綵段一表裏。鳳陽等處皇陵祠祭署官員。社長、士民、陵戶、女戶人等。朝賀到京。鈔十錠。南京并三司官進表回辭朝。別賜鈔。出自特恩。

### 陪祭扈從

凡聖駕初祭南郊。賜陪祀官大紅織金紵絲衣。初謁陵。大閱。賜內閣蟒衣等服色。及鸞帶、金銀瓢、繡袋無

常文武大臣日講官侍從供事官綵幣鸞帶等物有差。以後不賜若閣臣初次不預後扈從者補賜。

大臣特賜

凡文武大臣考滿有賜羊酒鈔錠者以品級爲等或賜宴及勅諭者出自特恩。

凡文武大臣患病有賜羊酒米蔬等物文職大臣致仕有賜勅及銀幣等物者皆出特恩。

給假

凡日講官以省親省墓等項給假例賜白金綵幣鈔錠其在京官員給假省親賜路費鈔一品二品五千貫三品四千貫四品三千貫五品二千貫六七品一千貫八九品并雜職五百貫。

公差

凡總兵鎮守提督巡撫等官辭朝例賜銀幣寶鈔等物各以事之輕重爲等。

凡文武大臣奉旨勘事回還及督工選軍審囚等項事畢賜鈔幣羊酒等物各以事之輕重爲等。

功賞

各處獲功鎮巡總兵等官俱從兵部咨開欽賞數目到部銀兩行司禮監表裏行內承運庫關出付公差人員齎給其官旗軍舍人等亦從兵部奏定加賞給賞量賞。詳在武選司移咨到部仍查各地方賞格關出付公差人員齎給各巡撫衙門造冊奏繳仍咨禮部查考○嘉靖四年題准功賞數少付公差人員順齎遇

有數百兩以上。綵段數百疋以上。本部照例委官一員齋去交割。各處巡撫官。仍將領過賞賜。年終造冊類報。○隆慶二年題准。欽賞銀兩表裏等件。通發各該總督巡撫衙門。投驗給散。除總兵官具疏謝恩外。三司將佐等官。將領過賞賜。申報督撫衙門。造冊類奏。其赴部領賞員役。驗有彼處真正批文。方准給發。將原批上填寫數目。用印鈐蓋。各該督撫衙門。年終將給散過各官數目姓名。類冊奏報。仍咨禮部。以憑查考。受賞人員。或以事到京。許親告領。仍取領狀附卷。若陞去新任地方。聽督撫官轉齋新任處督撫衙門。一體查給。類冊奏報。每年三月終。通將前一年賞賜無回報者。咨行各該督撫稽查未到者。卽拘原役究問。仍通將已到未到備咨禮部查考。○萬曆六年題准。功賞銀年遠無人關領者。交還內庫。

### 雜給

凡王府求討書籍藥材等物。及書院樓堂等名。皆請自上裁。大臣亦間有賜者。俱屬祠祭司掌行。凡親王爲本府承奉。請給服色。查其年久勤勞有功。請自上裁。年勞不及者。不與。凡欽天監觀象臺官生。弘治元年奏定。每二年一次。給與禦寒毛襖冬初具題。行工部關領。凡大漢將軍襯甲服色。舊例五七年一次換給。正德十三年。令三年一給。每四員名。共大紅紵絲五表裏。紗羅同。

凡在京軍民家。選中侍女進入內庭者。嘉靖二十六年。准收充女戶食糧免差。仍各賞銀五兩。段一疋。

【王府】【同賜附】

凡登極成化二十三年。賜親王一等銀三百兩。紵絲十五表裏。羅十五表裏。紗十五疋。錦三疋。鈔二萬貫。二等銀三百兩。紵絲十表裏。羅十表裏。紗十疋。錦三疋。鈔二萬貫。三等銀二百兩。紵絲十表裏。羅十表裏。紗十疋。錦三疋。鈔一萬貫。○正德十六年。賜親王一等銀五百兩。紵絲二十五表裏。羅二十五表裏。紗二十五疋。錦五疋。新鈔二萬貫。二等銀四百兩。紵絲二十表裏。羅二十表裏。紗二十疋。錦四疋。新鈔二萬貫。三等銀四百兩。紵絲十五表裏。羅十五表裏。紗十五疋。綿四疋。新鈔二萬貫。四等銀三百兩。紵絲十五表裏。羅十五表裏。紗十五疋。錦四疋。新鈔一萬貫。

凡皇子誕生。嘉靖十二年。賜親王一等大紅織金五綵團龍常服。紵絲一襲。紗一襲。羅一襲。二等大紅織金閃色團龍常服。紵絲一襲。紗一襲。羅一襲。三等大紅織金五綵團龍常服。紵絲一襲。○十五年。賜親王一等織金五綵常服。紵絲一襲。白金三百兩。彩段十表裏。二等織金常服。紵絲一襲。白金二百兩。彩段八表裏。三等織金常服。紗一襲。白金一百兩。彩段六表裏。○十六年。賜親王一等織金五彩常服。羅一襲。白金一百兩。彩段六表裏。二等織金常服。羅一襲。白金八十兩。彩段四表裏。三等織金常服。羅一襲。白金五十兩。彩段二表裏。○萬曆十年。賜親王各大紅織金閃色團龍常服。紵絲一襲。紗一襲。羅一襲。管理親王府事者。與靖江王各大紅織金團龍常服。紵絲一襲。

凡册立東宮。成化十一年。賜親王。一等銀二百兩。紵絲八疋。紗八疋。羅八疋。錦四段。生熟絹十六疋。高麗布十疋。白氎絲布十疋。西洋布十疋。二等銀一百兩。紵絲六疋。紗六疋。羅六疋。錦四段。生熟絹十二疋。高麗布六疋。白氎絲布六疋。西洋布六疋。○嘉靖十八年。賜親王。一等銀三百兩。紵絲十疋。紗十疋。羅十疋。錦四段。生熟絹三十疋。高麗布十疋。白氎絲布十疋。西洋布十疋。二等銀二百兩。紵絲八疋。紗八疋。羅八疋。錦四段。生熟絹十六疋。高麗布六疋。白氎絲布六疋。西洋布六疋。三等銀一百兩。紵絲六疋。羅六疋。錦四段。生熟絹十二疋。高麗布六疋。白氎絲布六疋。西洋布六疋。○隆慶三年。賜親王。各銀二百兩。紵絲八疋。紗八疋。羅八疋。錦四段。生熟絹十六疋。高麗布六疋。白氎絲布六疋。西洋布六疋。白氎絲布六疋。西洋布六疋。管理親王府事者。與靖江王。各銀一百兩。紵絲六疋。羅六疋。錦四段。生熟絹十二疋。布同前。

凡蜀王府進扇。回賜銀三百兩。大紅金綵常服三襲。若係世子。改綵段四表裏。銀同。差來人。賞鈔五百貫。

